

جریده عدلیہ

اوپنچی سنہ

۵ رمضان ۱۳۳۰ — ۵ اگستوس ۱۳۲۸

نومرو ۶۵

پازار

قِسْمَتِ عَدَلِی

نوبہات عدلیہ

یانیہ ولایتی استیناف محکمہ سی اعضاسندن نیقوغوص افندینک مدت مأذونیتی تجاوز ایتدیردک محل مأموریتنه عودت ایتماسنه بناءً مستعفی عدلیہ یرینه ارضروم ولایتی استیناف اعضاسندن خپار سوم ومنحل اولان کر بلا سنجانی بدایت محکمہ سی مدعی عمومی معاونلککنه مرزیفون قضاسی بدایت محکمہ سی رئیس عبدالحفیظ ومرزیفون قضاسی بدایت محکمہ سی ریاستننه ارکلی قضاسی بدایت محکمہ سی ریاستندن مستعفی عبدالرحمن درویش ومنحل اولان حمص قضاسی بدایت محکمہ سی مدعی عمومی معاونلککنه مکتب حقوق عثمانی علی الاعلی درجه مأذونلرندن علی ناجی وكذلك منحل اولان لومه قضاسی بدایت محکمہ سی مدعی عمومی معاونلککنه مکتب حقوق عثمانی علی الاعلی درجه مأذونلرندن محی الدین افندیلر نقل وتعیین واسکچه وویزه قضالری بدایت محکمہ لری مدعی عمومی معاونلری عثمان نجاتی ومحمد ذا کر افندیلرک بالموافقہ بجایشلری اجرا ومنحل اولان از میر غنائم بحریه محکمہ سی قومیسرلکی آیدین ولایتی استیناف محکمہ سی مدعی عمومی معاونی نوری بکه علاوه مأموریت اوله رق تفویض اولنمشدر .

اشپو اراده سنیه اجراسنه عدلیہ نظارتی مأمورددر .

۱۶ شعبان سنہ ۳۰ و ۱۷ تموز سنہ ۳۲۸

محمد رشاد

صدر اعظم
غازی احمد مختار



عدلیہ ناظری
مسبح علی

تبلغات عمریه

عمریه نظارت جلیله سندن تسلیم اولنا ۱۶ نموز سنه ۳۲۸ تاریخلی خبریات عمومی صورتیبر :

« حقوق عمومی شهادرینک مصارف سفریه و ضروریله جرم مشهود خرج راهارینک صورت تسویه سنه دائر »

حقوق عمومی دعوالرندن طولای لاجل الشهاده جلب ایدلمکده اولان شهودک محاکمه تقدیر اولنه حق مصارف سفریه و ضروریله جرم مشهود خرج راهارینک تحقق و تأدیسی ایچون محاکم قرار و تصدیق کافی اولوب مجالس اداره جه بشقه جه تصدیقه حاجت کوریه مدیکندن مصارف مبحوئه ایله جرائم مشهوده خرج راهارینک محکمه قرارینی متعاقب لزوم تسویه سی ۳۱ مایس سنه ۳۲۸ تاریخنده مأمورین مالیه تعمیماً تبلیغ اولندینی بالخباره مالیه نظارت جلیله سندن جواباً بیلدیرلش اولغله تبلیغ کیفیت اولنور .

عمریه نظارت جلیله سندن تسلیم اولنا ۱۶ نموز سنه ۳۲۸ تاریخلی خبریات عمومی صورتیبر :

« مطبوعات جرائمک صورت تعقیبه دائر »

مطبوعات جرائمندن طولای مدعی عمومیلرجه رأساً تعقیبات اجرایی مطبوعات قنونک اوتوز برنجی ماده سنده کوسترلدیکی وجه ایله قانون مذکورک اون التنجی ، اون یدنجی ، اون طقوزنجی ، یکرمنجی ، یکریمی آلتنجی ماده لرنده بیان اولنان جرائم ایله خاندان سلطنت علیهنده واقع اولان ذم و قدح جرمیلرینه منحصر اولوب دوائر حکومت و هیئات رسمیه واردر و دونمای عثمانی حقنده کی ذم و قدحک تعقیبی رؤسا و قوماندانلر طرفندن جهت عدلیه به تذکره تسلیمینه متوقف اولدیغنه نظراً نشریات واقعه ده دوائر رسمیه علیهنده مواد کوریلوبده اوصورتله مراجعت ده وقوع بولدینی تقدیرده قانوناً مقتضی معامله نک ایفاسی توصیه اولنور .

عمریه نظارت جلیله سندن تسلیم اولنا ۱۷ نموز سنه ۳۲۸ تاریخلی خبریات عمومی صورتیبر :

« اناطولی تشکیلات عدلیه سی حقنده »

طشره پولیس قادروسنک احتیاجات ضابطه بی تأمین غیر کافی بولمسنندن ناشی اقدجه قضا مرکز لینه تفریق ایدلش اولان پولیس مأمورلرینک وظائف عدلیه سی ، طشره پولیس تشکیلاتی اکمال ایدیلنجیه دکن موقتاً او قضا ژاندارمه قوماندانی اولان ضابطه تودیع اولنورق پولیس مأمورلرینک مرتبائی نقصان

اولان ولایت ولوا مرکز لری ایله بعض مهم قضائر موجودلرینه علاوه سی حقنده داخلیه نظارت جلیله سندن سبق ایدن تبلیغات عمومی دن بختله هنوز تشکیلات عدلیه سی اجرا ایدیله میان قضائرک تبلیغات مذکورده دن استثناسی لزومی بعض طرفلر دن اشعار اولنمی اوزرینه نظارت مشارالیه ایله بالخباره آنان جوابده تبلیغ واقع هر قضاده بولنان پولیس لریک قالدیرلشنی تضمن ایده جک درجه ده مطلق و قطعی اولیوب بلکه موقعاً غیر مهم و مراکز ی قصبه دنسله میه جک درجه ده کوچک و محدود اولان قضالرده منفرداً بولنان پولیس مأمورلرینک باشلی باشنه بر قوت تشکیل و اداره بر فائده تأمین ایده اامسنه بناء بولنرک امور انضباطیه سی شایان اهمیت اولان مرکز لری پولیس موجودینه علاوه سی صورتیله مراکز مهمه نک بوجهندن تلافی نقصانی امرنده مراجعت ایدیله جک تدابیر ممکنیه محللرینک جلب نظر دقتی مقصدینه معطوف ایدو کندن و ذاتاً طشره پولیس ترتیباتک تقسیمات اداره داخلنده صورت استخداملری محللرینه عائد اولوب پولیس مأموری موجود اولیان یرلرده مدعی عمومی معاونلکی وظیفه سنک ژاندارمه ضابطی طرفندن ایفاسنده احکام قانونیه مساعد بولندیغندن بختله تشکیلات عدلیه سی اجرا اولنه مامق حسیلله بوخصوصده مشکلات قطعییه تصادف ایدیلان قضائر ایچون منسوب اولدقلری مدعی عمومیلرکجه جهت ملکیه مراجعت اولنمی اشعار قلمسنه نظراً اکا کوره ایجاباته توسل اولنورق معاملات عدلیه نک تأمین حسن جریانی اسبابک استحصالی تعمیماً تبلیغ و توصیه اولنور

شورای دولت تنظیمات دایره سنک ۱۷ رجب سنه ۳۳۰ و ۱۹ مزیرانه سنه ۳۲۸ تاریخلی

و آلتی بوز درت نومردی مضبوطک صورتیبر :

مواد جزائیه دن طولای محکوم علیه اولان عساکر نظامیه نک مصارف محاکمه دن متحصل دینلرینک تأجیلی حقنده کی مساعدنه نک ژاندارمه افرادینه تشمیلی حقنده ۴۴ کانون اول سنه ۳۲۶ تاریخنده با مضبوطه اتخاذ اولنان قرار تبلیغ بیورلش ایسه ده اساساً بر قانونه مستند بولنیلان اشبو تأجیل کیفیتی بر تعیر مهمدن عبارت اولدیغندن عساکر نظامیه دن محکوم به اولان مصارف محاکمه نک استبدال اولندقدن صکره می تحصیل اولنه جنی یوقسه هیچ تحصیلی ایدیله جکی بیانه مدیکندن ژاندارمه لره تشمیل ایدیلن اشبو تأجیل کیفیتک کرک عساکر نظامیه و کرک ژاندارمه لر حق لرنده نه صورتله تطبیق اقتضا ایده جکنک تکرار حل ایدیلهرک نتیجه سنک انبانی متضمن عدلیه و مذاهب نظارتک شورای دولته حواله بیوریلان تذکره سی و ملفوقلری سبق ایدن استفساره جواباً نظارت مشارالیه حریبه نظارتلرندن وارد اولان تذاکر و عدلیه نظارتک خصوص مذکور حقنده بالتعمیم در سعادت و طشره استیناف مدعی عمومیلرکندن آنان محررات جوابیه نک کوندردیکنه دائر اخیراً وارد اولان تذکره سی ایله برلشدیریلهرک تنظیمات دائره سنده قرائت

اولندی حربیه نظارتک تذکره جوابیه سنده مواد جزائیه دن طولایی محاکم نظامیه جه محکوم علیه اولان افراد نظامیه حقارنده تسویه سی کوستریلن مصارف محاکمک افراد مرقومه نک بی قدرت اولدقلرینه دائر طابورلری طرفندن ویریلان مضابط اوزرینه استحصالنندن صرفنظر ایدلمکده اولدینی درمیان اولنش و عدلیه نظارتک تذکره جوابیه سنده ملفوف در سعادت و طشره مدعی عمومیلکرینک خلاصه اشعاراتی دخی عساکر نظامیه دن سلاح التنده بولندینی مدتیجه مصارف محاکمک امکان تحصیل بولنه مدیغندن ترخیصلرینه تعلیقاً تأجیل و بعض محالرده بعدالاستبدال سعه حاللرینه تعلیق ایدلمکده اولدیغندن عبارت بولنمشدر.

ایجابی لدی التأمل مواد جزائیه دن طولایی محکوم علیه اولان افراد عسکریه دن بی قدرت اولانلرک مصارف محاکمک دن منبعث دینلرینک تأجیلی حقنده ۱۵ کانون اول سنه ۹۵ تاریخلی بر امر سامی موجود اولوب اوزماندن بری بی قدرت افراد حقنده تأجیل دیون معامله سی اجرا ایدلمش اولسنه و تعامل حالی اکتساب ایدن مساعده نک ژاندارمیه اشمالی دائره جه اتخاذ و موجبجه تبلیغ اولنان قرار ایجابندن بولنسنه و تحصیل اموال قانوننه صورت استیفاسی درج ایدیلن منافع حصه سیله مال صندوقلرنجه تحصیل اولنه جق واردات سائر نک تحصیلدارلر معرفیه لزوم جباتنه دائر اولان ماده قانونیه ده اعلامات جزائیه خرجلریله حکومت عائد جزای تقدیرلر دخی مذکور اولوب تحصیل اموال قانوننک اون ینجی ماده سنک صوک فقره سنده ایسه تحصیل اولنه میان دین سعه حاله تعلیق اولنور دینلمسنه مبنی کرک عساکر مرقومه نک کرک ژاندارمه لک مصارف مذکور دن منبعث دیوننک تأجیلی سائر افراد اهالی حقنده اولدینی کبی بر موجب قانون سعه حاله تعلیق دیمک اولدیغنک نظارت مشارالیه اشعاری و حربیه نظارتنه معلومات اعطاسی تذکر قلندی اولباید امر و فرمان حضرت من له الامر کدر.

عربیہ نظارت جلیدرنه تطبیق اولنانه ۲۳ تموز سنه ۳۲۸ تاریخلی تحریرات عمومیہ صورنیر :

« عساکر نظامیه ایله ژاندارمه لک مصارف محاکمک دن منبعث دینلرینک تأجیلی سعه حاله تعلیق دیمک اولدیغنه دائر »

مواد جزائیه دن دولایی محکوم علیه اولان عساکر نظامیه ایله ژاندارمه لک مصارف محاکمک دن منبعث دینلرینک تأجیلی سائر افراد اهالی حقنده اولدینی کبی بر موجب قانون سعه حاله تعلیق دیمک اولدیغنه دائر شورای دولت تنظیمات دائره سندن اعطا باتذکره سامیه اسرا اولنان ۱۹ حیران سنه ۳۲۸ تاریخلی مضبطه ایله اشبو تحریراتک نسخ مطبوعه کافیه سی لفاً ارسال قلنمش اولغله مذکور مضبطه حکمنه توفیق معامله اولنمی

عربیہ نظارت جلیدرنه تطبیق اولنانه ۲۳ تموز سنه ۳۲۸ تاریخلی تحریرات عمومیہ صورنیر :

« آتمش بش یاشنی ا کال ایدن مأمورینک تقاعده سوقلرینه دائر »

ملکیه تقاعد قانوننک اوچنجی ماده سنده آتمش بش یاشنی ا کال ایدن مأمورینک ایفای وظیفه یه مقتدر اولسه لرلیله رضالرینه باقلمقسزین تقاعده سوق ایدیلجه جکری مصرح اولسنه نظر دائره مأموریتلری داخلنده بولنان بالعموم مستخدمین و کبه عدلیه میاننده سنأ تقاعده شایان اولانلری واریسنه تقاعده دعوتله لرلرینه عائد اولدقلری انجمن عدلیلرجه مناسبلرینک انتخابی اسبابنک استکمالی توصیه اولنور .

عربیہ نظارت جلیدرنه تطبیق اولنانه ۲۸ تموز ۳۲۸ تاریخلی تحریرات عمومیہ صورنیر :

« مأمورینک فرق سیاسیه دن قطع مناسبیله وظیفه مأموره لرینی کال بی طرفی ایله ایفا ایتلری لزومنه دائر »

هیئت وکلانک مجلس مبعوثانده قرائت ایدیلن بیاننامه سنده اسبابی مفصلاً بجزر اولدینی اوزره ملکتمده کوریلن آثار ناخشنودینک سنوانقندن بری ده صنوف مختلفه مأمورینک فرق سیاسیه دخول ایله وظیفه مأموریتلرینی منسوب اولدقلری فرقلرک منافعه توفیقاً ایفا و بی طرفلی ایتلری مسئله سیدرمأمورین دولت اولاد وطندن اولقی جهتیله کندیلرینک ده قناعت سیاسیه لر اولقی طبیعی ایسه ده بو قناعتلرینی انجق انتخاب زماننده پروغرامنی وطن ایچون ده نافع کوردیکی فرقه نک نامزدینه رأی ویرمک صورتنده استعمال ایله مقید اولوب بشقه لرینی کندی فکر و قناعتلرینه اماله ایچون نفوذ مأموریتلرینی استعمال طریقله ذره قدر تشویقده بولنقدن بیله ممنوعدرلر اوچ درت سنه دینری مأمورینک بو طریقدن انحراف ایله فرقه لره التحاق واحترافات واختلافاته اشتراک ایتلرندن متولد محاذیری ازاله ایچون دولتیجه مراجعت وتوسل اولنه جق اک مؤثر چاره وطریق قانونی داخل اولدقلری فرقلرک قطع دوام وعلاقه ایله مسلک بی طرفیه رجوع ایتیه جک مأمورینک تبدیللریله لرلرینه وظیفه مأموریتلرینی عموم و طنداشلره قارشی کال متانت و بی طرفی ایله ایفا ایدجه جک مجرب الاهییه مسلک اربابنک تعینلرندن عبارت بولندینی تحقق ایتیکله کرک پای تختنده و کرک ولایاتده مستخدم بولنان بیوک کوچک بالعموم مأموریندن هرکیم هانکی فرقیه داخل ایسه او فرقه نک اسمیه و واردن قطع دوام وعلاقه ایتدیکنی و قیامده وظیفه مأموریتنه حصر اوقات وافکار ایدره نک منافع ملکیتی اختلال ایدن فرقه احتراصات واختلافاته اشتراک ومداخله دن قطعاً کف ید و کال بی طرفی ایله ایفای وظیفه ایلیه جکنی با ورقه مختومه مافوقه بیان ایدجه جک و بو صورتله هر شعبه اداره مأمورلرینک اعطا ایدجه جکری اوراق قضا قائم مقاملری طرفندن متصرفلره و متصرفلر طرفندن والیر و والیر طرفندن ده مأمورلرک منسوب اولدقلری نظارتلره کوندریله جک ونظارتلرجه ده مأمورین قلملرنده بر دفتر مخصوصه قید

اوله رفق بيانات و تعهدات واقعه دن صكره يسه فرقه لره و سياسى قلوبلره دوام و فرقه ايشلريله اشتغال ايلدكلى تحق ايدى جك مأمورلر عزل ايله يرلر يسه بى طرف ذواتدن مناسبلى دائره لر نجه انتخاب و تعيين اوله جقدى . نظارتلرجه سريعا تبليغات اجرا اولمق اوزره اشبو قرار نامه صورتك دواثره تبليغى تذكر قلمشدر .

بالعموم مأمورينك داخل اولدقلى فرق سياسيه دن قطع دوام و علاقه ايله وظيفه مأموريتلرني كال بى طرفى ايله ايفا ايتملر لى لزومه دائر بوكره مجلس خاص و كلاجه انتخاب اولنان قرارك صورتى بالايله نقل اولمشدر بيطرفانه حركت حكام ايچون وظائف و شرائط سياسيه دن اولوب سلك عدليه بولنانلر كه هر هانكى بر فرقه و جمعيت دخول و انتسابى افراد اهلينك محاكمدن و حكامدن انسلاب امنيتلرني موجب اوله جغندن اشبو قرارك مركز حكام و مأمورين عدليه سبه تبليغى مأمورين عدليه نك هر هانكى بر صنفدن اولورسه اولسون فرق سياسيه يه انتسابى اولانلر وار ايسه قرارده كوسترلديكى وجهله بلافاثه وقت قطع دوام و علاقه ايتدكلى ربه و انتساب ايتمه مش اولانلر ك ذلك هيچ بر جمعيت منسوب اولمادقلى ربه و وظيفه مأموريتلرني كال بى طرفى ايله ايفا ايدى جكلى ربه دائره برندن آلنه جق ورقه محتومه نك جمعيله سريعا نظارته ارسالنه و محاكم رؤسايه مدعى عمومىلر اشبو قرارك على الدوام محافظه احكامنه مأمور و مجبور اولمق له مخالف قرار حركت ايدن مأمورين حقلر نده معامله لازمه ايفا ايدمك اوزره در حال نظارته معلومات اعطاسنه اعتنا اولملى كال اهميتله اخطار اولنور .

عربيه نظارت جديده سنده تنظيم اولنانه ۲۸ تموز سنه ۳۲۸ تاريخى خبرات عموميه صورتيه

« مأمورينك صورت تعيين و ترقيعلى ربه دائر »

ممالك عثمانيه نك محتاج اولدينى سكون و انتظام و اسباب سعادتك پى درپى تأسيس و استكمالى خدمات عموميه نك اهليت و حسن خدمتلى و احوال مملكتيه و قوفلى مجرب اولانلره توديعيله اصول و استحقاق خارجنده كى تعيين و ترقيعلى نهايت و يرلسنه و مع مافيه شمدى به قدر واقع اولوب حقوق مكاتبه شكلنه كيرن نصب و ترقيعلىك بر سبب نظامى و ادارى ماده ثابت اولمق له بالخاصه هيچ بر مأمورك مغدور و منكسر ايدلماسنه مأموريتده بقا و ترقيك بر جمعيت نسبتده دكل كال بيطرفى و متاتله ايفاي وظيفه ده اولدينى قناعتك عموم مأمورينجه حاصل اولسنه متوقف اولديغندن ديكر تبليغات عموميه به توفيقاً داخل اولدقلى فرق لردن قطع دوام و علاقه ايتدكلى ربه باورقه محتومه مافوقلى ربه بيان ايدى جك مأمورلر قانوناً و مصالحه بر سبب و لزوم مجبر اولمادقلى وظيفه لرني كال بيطرفى ايله ايفايه اعتنا ايتدكلى حق مكاتبلى ربه رعايت اولنهرق مأموريتلر نده بقالى و قوانين و نظامات مرعيه دائره سنده ترقيعلى محفوظ اولديغك بالعموم مأمورينجه معلوم اولمق و كو

مستخدمين حاضر نك بلا سبب تبديل ايديله جكلى ربه دائر وقوع بولمق ده اولان اشاعات اغفالكارانه دولته رسماً تكذيب ايدمش اولمق اوزره اشبو قرارك پاى تخت ايله ولايته اعلانى و بعداً بر مأموريت منحل اولدقده او مأموريتيه معزولين ايچنده وعين مسلك داخلنده اهليت و استقامت و قدم و حسن خدمتلى معلوم و مجرب اولانلر ك ترجيحاً انتخاب و تعيينلر ايله مسلك و قدم خارجنده نصب و تعيينلر تمانى ايتديلماسى و اسباب عاديه و اشعارات غير مقنعه ايله مأمور عزل هم قانون و حقانيته مغاير و هم ده دولت و مملكتيه مضرات عديده يى مستلزم اولديغندن عزل و تبديله متعلق اشعاراتك تدقيقنده نظارتلرجه بك زياده التزام و اعتنا اولملى و بوسورت حركت يالكر دواثر مركزيه به مخصوص اوليوب ولايتلرجه ده نظر اعتبارده طوتلى لازم كله جكندن عزل و نصبلى ولايتلر ك دائره صلاحيتلى داخلنده بولسان مأمورين حقلر نده دخلى اشبو قراره توفيق معامله اولملى نك بالخاصه ولايتلره والويه غير ملحقه به تبليغ ايدلمسى تذكر اولمشدر .

مأمورينك صورت تعيين و ترقيعلى ربه دائر مجلس خاص و كلاجه بوكره اتخاذ ايديلان و قوانين و نظامات مرعيه احكامنه لزوم رعايتى برقات دها تأيد ايدن قرارك صورتى بالايله نقل اولمشدر انتخاب و تعيينلر نظارته عائد اولان مأمورين عدليه حقلر نده اشبو قرار دائره سنده معامله به اعتنا اولنهرق خلافنده هيچ بر حال وقوعنه ميدان و يرلمه سى مقرر اولدينى كى انتخاب و نصبلى ولايات والويه انجمن عدليلى ربه محول مأمورين حقلر نده انجمنلرجه واقع اوله جق اجرا آت ك دخلى لى الايجاب و سائط مخصوصه ايله تدقيقى و قوانين و نظامات موضوعه ايله هيئت و كلانك اشبو قرارى خارجنده حركته تصدى ايتدكلى ربه تعيين ايدى جك انجمن هيئتلى ربه نك تحت محاكمه به آلنلى قطعياً مصمم اولديغندن بعداً عزل و نصب و ترقيع خصوصلر نده فوق العاده التزام دقت اولملى اكيداً توصيه اولنور .

براي محكمه حقوق داره سى عدلى

ايده آلا متفرع نمينه اعلامى

طريزونه برات محكمه سى حقوق داره سنده صادر اولان ۱۷ مارت سنه ۳۲۸ تاريخى

۵۷۵ نومرولى اعلام صورتيه:

نام نامى حضرت حكمدارى به اجراى محاكمه و اعطاي حكمه مأذون طريزون استيناف محكمه سى حقوق قسمك ۲۷ كانون اول ۳۲۷ صالى كوني ساعت درت بچقده طريزونده حكومت قوناغنده دائره خصوصه سنده انعقاد ايدن جلسه سنده اعطا ايتديكى حكمى متضمن اعلام .

هیئت محکمه — رئیس حامی بك افندی اعضا حافظ زهدی واسماعیل حق و یاقو و قره بت افندیلر.
مستأنف — تبعه عثمانیه دن اردو قضاسنه تابع پنجشنبه ناحیه سنك مرسین قریه سنندن تریا کی اوغلی
کریمه سی حنیفه طوطی خانم .

مستأنف وکیل — تبعه عثمانیه دن اردو قضاسنه تابع پنجشنبه ناحیه سنك مرسین قریه سنندن حاجی مفتی
زاده مخدومی مکتب حقوق طلبه سنندن محمد توفیق افندی .

مستأنف علیه — تبعه عثمانیه دن نفس اردو قصبه سننده مقیم تجار دن فورطون زاده حاجی عثمان علی افندی .
مستأنف علیه وکیل تبعه عثمانیه دن اردونك طربزونده اورته حصارده مقیم دعوی وکیل مدحت افندی .
دیگر مستأنف علیه تبعه عثمانیه دن عن اصل اردو قضاسی اهالی سنندن اولوب الیوم نعللو خان قضاسی
ناجی حاجی مفتی زاده محمد سعدالدین افندی .

مستأنف علیه وکیل تبعه عثمانیه دن اردونك پنجشنبه ناحیه سننده مکتب حقوق طلبه سنندن تفنکچی باشی
زاده ضیا افندی .

دیگر مستأنف علیه تبعه عثمانیه دن و عیانچق قضاسی اشرافندن شکری زاده حاجی احمد افندی .
خلاصه حکم ابتدائی اردو قضاسی اشرافندن فورطون زاده حاجی علی عثمان و عیانچق قضاسی اشرافندن
شکری زاده حاجی احمد افندی لک طرول قضاسی نائب سابق محمد سعدالدین افندی ذمتنده آلاچق لری اولان
معلوم المقدار آقچهیه مقابل مدیونك پنجشنبه ناحیه سنك مرسین قریه سننده واقع وحدودی مضبوط برقطعه
فندق باغچه سی و دروننده مبنی فوقانی ایکی اوطه و صوفه و تحتانی ایکی اوطه و مطبخ و جوارنده کائن کوچك
خانه و آخور و رمضان قریه سننده قدیفه قرینی نامیه معروف بر و چشمه آباغی نامیه مشهور بر و حاجی مفتی
اوغلی نوری ایله مشترك کونای ترلا نامنده برکه جمعا اوج قطعه فندق باغچه سی ایه طاعی نامیه معروف
ترلانك اون بر حصه ده بر حصه سی تحت حجزه آلمش ایسه لرده املاك و اراضی مذکوریه مدیون موی
الیه محمد سعدالدین افندی زوجیت بینلرنده قائمه ایکن یعنی ۳۰ مایس ۳۲۷ تاریخنده کندوسنه فراغ ایلدیکی
حالده هنوز معامله فراغیه سی اجرا ایتمدیکنندن بحثله حجزك بالفك معامله فراغیه نك نامنه اجرا ویدینه
طابو سندی اعطاسنه دائر مدیون موی الیهك زوجة مطلقه سی حنیفه طوطی خانم طرفندن اردو قضاسی
بدایت حقوق محکمه سننده اقامه اولنان دعوی اوزرینه اجرا قلنان محاکمه نتیجه سننده سندده بدل میبعك
مذکور اولماسی بیعك فسادینی مؤدی اولدینی بیایله مزبورنه مدیون ایله داین و حاجز موی الیه
معارضه سنك منعه و یوز الی درت غروش مصارف محاکمه نك مزبوریه عایدینه ۲۳ تشرین ثانی ۳۲۶
تاریخنده متفقاً قرار ویرلدیکی متضمندر .

محکمه تمیز حکمی — اساس دعوی معلوم الحدود بر قطعه ترلا و خانه و فندق باغچه سنك اون حصه
اعتباریه بر حصه سنه وقوع برلان مداخله نك منی طلبندن عبارت و قابل استیناف اولدینی حالده اولبابده کی

اعلامك خرجی مستدعیه مزبورنه طرفندن ویریلرک اخذ واستحصال قلنمش و بناء علیه تبلیغ رسمی اولمدقچه
مدت قانونیه جریان ایتمه چکی طبیعی بولنمش اولسنه کوره مستدعیه مزبورنه اصول محاکمه حقوقیه قانوننك
ایکی یوزاون یدنجی ماده سنك صوك فقره سی موجبنه استیناف محکمه سنه مراجعت ایله اسقاط حق ایتمدکجه
تمیز دعوایه صلاحیتی اولمیه جغه بناء اولبابده کی تمیز استدعایه سنك ردینه و یوز الی یدی غروش
مصارف تمیزیه نك مزبورنه حنیفه خانم عایدینه ۲ تموز ۳۲۷ تاریخنده متفقاً قرار ویرلدیکی بیاندن عبارتدر .

نومرو عدد

- | | | |
|---|----|--|
| ۱ | ۱ | مستأنف حنیفه طوطی خانم وکیل محمد توفیق امضا و مهرلی ۲۵ تموز سنه ۳۲۷ تاریخلی استیناف عرضحالی |
| ۱ | ۲ | ۳۰ تشرین ثانی سنه ۳۲۶ تاریخ و یوز اون نومرولی اعلام ابتدائی صورتی |
| ۱ | ۳ | ۱۴ تموز سنه ۳۲۷ تاریخ ویدیوز طقسان درت نومرولی محکمه تمیز اعلامی |
| ۱ | ۴ | مستأنف حنیفه طوطی خانم وکیل محمد توفیق امضا و مهرلی ۲۵ تموز سنه ۳۲۷ تاریخلی استیناف لایحه سی |
| ۱ | ۵ | مزبورنه حنیفه طوطی خانم فقره حالی مصدق ۱۷ تموز سنه ۳۲۷ تاریخلی قریه شهادتنامه سی |
| ۱ | ۶ | در سعادنده فاتحه صاری کوزلده چیقرقچی کال الدین محله سننده مقیم بقال اصنافندن یانیه لی پانده لی
ولد ایلیا امضاسیله مضی ۱۱ تموز سنه ۳۲۷ تاریخلی مصدق کفالت سندی |
| ۱ | ۷ | مستأنف مزبورنه وکیل محمد توفیق افندی طرفندن معطی ۱۷ جمادی الاخر سنه ۳۲۸ تاریخلی وکالت حجتی |
| ۱ | ۸ | ۲۵ تموز سنه ۳۲۷ تاریخلی مفردات بوصله سی |
| ۱ | ۹ | مستأنف علیهلردن حاجی علی عثمان افندی وکیل مدحت افندی طرفندن معطی ۳ ایلول سنه ۳۲۷
تاریخلی مصدق وکالتنامه عمومی |
| ۱ | ۱۰ | مستأنف علیهلردن حاجی علی عثمان افندی » » » » ۲ تشرین اول سنه ۳۲۷
تاریخلی جواب لایحه سی |
| ۱ | ۱۱ | مستأنف علیهلردن محمد سعدالدین افندی وکیل ضیا افندی طرفندن معطی ۱۵ رجب سنه ۳۲۹
تاریخلی وکالت حجتی |
| ۱ | ۱۲ | مستأنف علیهلردن محمد سعدالدین افندی وکیل ضیا افندی طرفندن معطی ۱۴ کانون اول سنه ۳۲۷
تاریخلی جواب لایحه سی |

تشکیل طرفین — وقوعیولان دعوت رسمیه ایله محاکمه ایچون معین اولان بیک اوچیوز بکرمی یدی
سنه سی کانون اولنك اون دردنچی کونی مستأنف مزبورنه حنیفه طوطی خانم وکیل محمد توفیق افندی
و مستأنف علیهلردن حاجی عثمان افندی وکیل مدحت و محمد سعدالدین افندی وکیل ضیا افندیلر محکمه یه
کلش ایسه لرده دیگر مستأنف علیه حاجی احمد افندی نك بالذات کندوسنه تبلیغات قانونیه اجرا قلندینی حالده
اجابت ایتمدیکی کی معذرت مشروعه سنندن دخی محکمه یی رسماً خبردار ایتماسنه و مستأنف وکیل محمد توفیق

افندیك وقوع طلبنه مبنی اصول محاکمه حقوقیه قانونك یوز قرق دردنجی مادهسی حکمنه توفیقاً مومی الیه حاجی احمد افندیك غیابنده ودیكر لرینك وجاهنده علناً اجرای محاکمه بدو مباشرتله مقام ریاستدن طرفین وکیللرینه آیری آیری صرہ سیله سوز ویریلوب طرفین وکیللری تعاطی اولنان عرضحال و لایحه لرینك مندرجاتی ایضاح وتفصیلدن صکره بشقه دیه جککری اولمادیغی سویلرلیله محاکمه لرینه ختام ویرلدیکی علناً تفهیم قلوب وقتك عدم مساعدنه مبنی مذاکره شهر کانون اولك یکریمی بدنجی صالی کونه تعلیق قلندیغی وکیلون مومی الیه مافهم اولمشیدی .

مذاکره — یوم مذکورده هیئت حاکمه سابقه مذاکره مخصوص اوطهده بالا اجتماع اول بارل حل اولنه جق مسائل مادیه نك ماهیت و کمیتی موقع مذاکره وضع اولوب اولاً بوبابده کی استیناف استدعاسنك مدت قانونیه سی طرفنده ویریلوب ویرلدیکی و شرائط استینافیه بی جامع بولنوب بولندیغی ثانیاً عاقدیندن اولیان حاجزلرك بیعك فساد کی ادعایینك مسموع و زمینی ارض میری اولان فندق باغچه لرینك فراغی مأمورینك اذن و اجازتنه متوقف اولوب اولیه جنی ثالثاً میبعك مفروغ لها مزبورده حنیفه طوطی خانم طرفندن تعمیر اولنسی قبض میعی تضمن ایتمسینه کوره بیع فاسد حکمی افاده ایدوب ایتیه جکی رابعاً سندده میبعك بدلی ذکر اولنماش ایسهده بعدالعقد ثمن میبعك بایع طرفندن ذکر اولنمش اولدیغك زوج و زوجیه بیننده وقوعه نظراً شهود شخصیه ایله اثباتی جائز بولنوب بولندیغی خامساً بیع سندینك وجودی خارجهده بیان اولنان ثمن میبعك حقیقه کی اقرارك صحتیه دلالت ایدوب ایتیه جکی سادساً حکم ابتدائینك اسباب موجبیه سی یالکیز بیعك فساد کی اولوب مستأنفنه نك ادعای سائرهنك آیری آیری اسباب موجبیه سر دیله قبول و یاردی حقیقه برقرار اتخاذا اولنماش فسخ حکمی مستلزم اولوب اولیه جنی سابعاً مصارف محاکمه نك هانکی طرفندن اخذ واستیفاسی لازم کله جکی خصوصاً لرندن عبارت اولدیغی هیئت محکمه جیه قرار لاشدیرلدی .

اسباب موجبیه — اولاً اولبابده کی اعلام ابتدائینك خرجی حقسنر چیقان مستأنفنه مزبورده طرفندن بالتسویه استحصال ایدلدیکندن ناشی مدت قانونیه جیه تابع اولمادیغی و شرائط استینافیه دخی اکیال ایدلدیکی جهتله استیناف عرضحالنك قبولی ایجاب ایدیه جکی ثانیاً محجوز اموالك بر قسمی زمینی عرض میری اولان فندقلق و بر قسمی عرض میری ترلا و بر قسمی دخی ملک اولوب اراضی امیریه نك فراغ و تفرغی اراضی قانوننامه سنك اونوز آلتنجی مادهسی موجبیه مأمورینك اذن و اجازتنه متوقف اولوب خارجهده وقوعی ادعا اولنان اشبو فراغك معتبر اولیه جنی ثالثاً املاك و اراضی مذکورهنك صفقه واحده ایله فراغ اولنمش اولسنه کوردهده ملک قسمك تقریقی ممکن اولیه جیه مبنی ماده مذکورده حکمنه توفیقاً اولبابده کی فراغ و تفرغك معتبر اولمادیغی رابعاً اصل اولان فراغك بو صورتله بطلانی سببیه آنك تفرعاتندن اولان قبض و اعمار خصوصنك بیعك جوازینه بر کونا حکم و تأثیری اولیه جنی خامساً ثمن میبعك بعدالعقد خارجهده

یوز الی لیرا تقدیر اولندیغی حقیقهده شهود شخصیه استماعی لزومنك بالاده کی سببه مبنی تدقیقنه محل قالمدیغی سادساً کرچه حکم ابتدائینك یالکیز بیعك فساد کی نقطهسنه استناد ایدیلرک مستأنفنه نك ادعای سائرهنك رد و یا قبولی حقیقهده برقرار اتخاذا اولنماش ایسهده بالنتیجه بیعك عدم نفاذی حقیقهده اولسنه کوره بوجهنك دخی موجب فسخ اولیه جنی سابعاً اصول محاکمه حقوقیه قانونك یوز اونوز سکزننجی مادهسی موجبیه بوبابده کی مصارف محاکمه حقسنر چیقان طرفندن اخذ واستیفاسی لازم کله جکی تقرر ایتدی .

نتیجه قرار — بالاده کی اسباب موجبیه قانونیه جیه بناءً اولاً اصول محاکمه حقوقیه قانوننه مدیل قانونك یکریمی دردنجی مادهسی حکمنه توفیقاً استیناف عرضحالنك ردیه موافق قانون کوریلان اعلام مستأنف بهك تصدیقنه ثانیاً زبرده مفرداتی مرقم اوچیوز التمش سکزن غروش مصارف محاکمه مستأنفنه مزبورده حنیفه طوطی خانم عاقد اولمق اوزره اول امرده طالب اعلام اولان مستأنف علیهمدن حاجی علی عثمان افندیگن اخذ واستیفاسنه ۲۰ محرم ۱۳۳۰ و ۲۷ کانون اول ۱۳۲۷ تاریخنده قابل تمیز اوله رق متفقاً قرار ویریلوب یوم مذکورده حاضر بولنان طرفین وکیللرینه علناً تفهیم قلندی دیو محرر اولان ۳۰ محرم ۱۳۳۰ و ۶ کانون ثانی ۱۳۲۷ تاریخ و اونوز یدی نومرولی اعلامك صورتیدر

ملک غیر حقونه دأرهنده صادر اولانه ۱۴ مایس سنه ۳۲۸ تاریخ و ۲۷۵ نومرولی اعلام صورتیدر :

« ارض میری ایله املاك صرفه صفقه واحده ایله و جله سی ایچون برمن تسمیه ایدیلرک بیعی حالنده ثمن مساده کی حصه ایله املاك کده بیع صحیح اولدیغی جهتله اراضی و املاك صرفه آیری آیری تقویم اوله رق ایکسینك مجموع قیمتندن املاك اصابت ایدن قیمت مجموع قیمتك قاچده بری ایسه ثمن مسانك اونسبت دأرهنده تحصیلی لازم کلدیکنه دأر »

اردو قضا سنه تابع پنچشنبه ناحیه سنك مرسین قریه سنندن تریا کی اوغلی کریمه سی حنیفه طوطی خانم ایله اردو قصبه سننده ساکن تباردن حاجی علی عثمان افندی و عیانجق اشرافندن حاجی احمد افندی و نعللو خان قضای ناچی محمد سعدالدین افندی بیننده متکون دعوایه دأر طریزون ولایتی استیناف حقوق محکمه سنندن ۶ کانون ثانی سنه ۳۲۷ تاریخ و اونوز یدی عددیه ویریلوب خام مومی الیه طرفندن تمیزاً تدقیق استدعا قننان اعلام طرفینك اعتراض و جواب لایحه لرلیله برابر بالمطالعہ تدقیقات تمیزیه اجراسنه ابتدار اولندی .

اعلام مذکورک خلاصه مندرجاتنه نظراً خام مومی الیه نك باع عرضحال اردو قضاسی بدایت محکمه سنه مراجعتله مومی الیه مین حاجی علی عثمان و حاجی احمد افندی لرک سعدالدین افندی ذمتنده الاجق لری اولان مبالغ معلومه نك تأمین استیفاسی ضمانتده مدیون مومی الیهک شایعاً متصرف اولدیغی املاك و اراضی معلومه بی تحت حجزه الدیرمش اولدولرندن و حالبوکه مدیون مومی الیهک کندوسیله بینلرنده زوجیت قائم اولدیغی صرہده یعنی ۳۰ مایس سنه ۳۱۷

تاریخنده اموال مذکورہ فی سند عادی ایله خارجا کندوسنہ فراغ ایلش اولدیغندن حیز موضوعک فکی ومعامله رسمیه فراغیه نیک اجرا ونامنه طابوسندی اعطاسی حقنہ اقامه ایلدیکی دعوانک ردینہ دائر صادر اولان اعلامک عندالاستیناف جریان ایدن محاکمه وتدقیقات نتیجه سنده اموال محجوزہ نیک بر قسمی ارض میری اولسنہ مبنی بوکا دائر اولان فراغ اراضی قانونک اوتوز التتجی ماده سی موجبجه غیر معتبر بولنہ سنہ واموال مذکورہ صفقه واحده ایله فراغ ایلش وحابوکه ملک قسمک قسم میریدن تقریقی غیر ممکن بولنش اولسی حسیله اشبو قسم ملک حقنہ کی فراغده اعتبار اولنه مایه جغه واصل اولان فراغک شو صورتله بطلانی جهتله انک تفرعاتندن اولان قبض واعمار خصوصک بیعک جوازینہ حکم وتأثیری اولمایه جغه و ثمن میبعک بعدالعقد خارجده یوزاللی لیرا تقدیر اولندیقی حقنہ شهود شخصیه استماعی مسئله سنک اسباب انفه دن طولانی تدقیقه محل قالمادیغه بناء اعلام مستأنف بیک تصدیقه حکم وقرار ویرلیدیکی آکلاشلمشدره سالف الذکر لایحه تمیزیهده اموال مدعاهان باغچه واخلور ملک اولدیغندن وبونلرک زمینی انلره تبعیتله تصرف اولنه جغندن بحکم الحبله بونلرک سند عادی ایله بیعی جائز واثناء محاکمه ابراز اولنان سند تاریخی بوکی بیع وشرا دعواسنک عدم مسموعیتی حقنہ کی اراده سنیه تاریخندن مقدم اولدینی وبر قانونک ماقبلنه شمولی اولمادیقی حالده بو جهتله نظر دفته آلمیهرق بروجہ مشروح قرار ویرلمسی یولسز ومغایر قانون اولدیغندن بحکله اعلامک نقضی ولایحه جوابیهده دخی اعتراضات مسروده نیک غیر وارد بولندیقی بیانیله ردی وموافق اصول وقانون اولان اعلام مذکورک تصدیقی طلب واستدعا ایلمشدر .

ایجاب کیفیت مذاکره اولندوقده اعلام میز بیک اراضی حقنہ کی فقره حکمییه سی اسباب موجبیه مستند وموافق اصول وقانون اولدیغندن اصول محاکمه حقوقیه قانونک ایکی یوز قرق ایکنجی ماده سنک فقره ثانییه سی حکمنه توفیقاً بو جهتک تصدیقه واملاک حقنہ کی حکمه کلانجه بوکی صحت فراغ تقریر رسمی به متوقف ارض میری ایله املاک صرفه صفقه واحده ایله وجله سی ایچون بر ثمن تسمیه ایدیلرک بیعی حالده ثمن مساده کی حصه ایله املاکده بیع صحیح اولدینی جهتله اراضی واملاک صرفه آیری آیری تقویم اولنهرق ایکسینک مجموع قیمتندن املاک اصابت ایدن قیمت مجموع قیمتک قاجده بری ایسه بو نسبت دائره سنده جله ثمن مسانک ملکه عائد حصه سی تعین ایدیه کی جهتله ثمن مسانک اونسبت دائره سنده تحصیلنه وملك حقنہ کی بیع ممنوعیت تاریخندن مقدم زمانه مصادف اولقی اعتباریله بونک صحتیه قرار ویرلمسی لازم کلور ایکس بو جهت تأمل اولنقسزین بروجہ مشروح قرار ویرلمسی یولسز ومخالف قانون اولدیغندن اصول مزبورک ایکی یوز اونوز ایکنجی ماده سی موجبجه اعلام مذکورک بوجھندن نقضیه ایکی یوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمننده حکمه مذکوریه اعاده سنه ودعوی واقعده دن طولانی اختیار اولنان مصارف آتیه تمیزیه نیک ایلروده حقسز چیقہ جق طرفه عائد اولسنہ ۱۴ مایس سنه ۳۲۸ تاریخنده اکثریتله قرار ویرلیدی .

مناسرت ولایتی استیناف محکمه سی جزا دائره سنده صادر اولان ۲۶ ایلول سنه ۳۲۷ تاریخی و ۱۷۳ نومرولی اعلام صورتهدر :

وظیفه مأموریتی سوءاستعمال ایله اعلامات جزائییه ضیاعه اوغرادهرق اموال امیریهدن اوچیک یوز الی غروشی ذمتته کچورلیدیکی ادعاسیله مظنون علیه اولان کوریجه اجرا مأمور سابق عثمان نوری افندی نیک بریق سنه مدتله حبسنه وذهنی مقدارینک تحصیلنه دائر کوریجه بدایت محکمه سی هیئت عمومیه سنندن ویریلن حکمه عدم قناعتله محکوم علیه طرفدن معطی استیناف استدانامه سی اوزرینه کیفیت لدی التدقیق استینافاً تدقیقی متضمن استدعا مناسرت استیناف محکمه سی هیئت عمومیه سننه خطاباً یازلمش اولسندن ناشی ذکر اولنان استدعا اوزرینه ایجاب ایدن معامله نیک هیئت مذکورجه ایضا اولنسی ایجاب ایدیه کیکه بناء اوراق دعوانک استیناف مدعی عمومیلکنه لزوم اعاده سنه دائر مناسرت استیناف محکمه سی جزا دائره سنندن صادر اولان ۱۹ حزیران سنه ۳۲۶ تاریخلو قرار علینہ استیناف مدعی عمومیلکی طرفدن متقدم تمیز استدعاسی اوزرینه قرار واقع تدقیقات تمیزیه نتیجه سننده نقض ایدلیدیکی متضمن محکمه تمیز استدعا دائره علیه سنندن صادر اولان ۱۶ اغستوس سنه ۳۲۶ تاریخ و بیک بشیوز یکریمی الی نومرولی اعلام واوراق متفرعه سی اجرای محاکمه طلبی حاوی ۵ ایلول سنه ۳۲۶ تاریخلو استیناف مدعی عمومیلکنک ادعایه سیله محکمییه تودیع اولنقله بالمطالعہ اجرای محاکمه سی تعیین اولنان اوچیوز یکریمی الی سنه سی شهر تشرین اولک یکریمی برنجی کونی هیئت حا که متشکل واستیناف مدعی عمومیه سی معاونی علی رضا بک حاضر اولدینی حالده مستأنف عثمان افندی بالتحریری کلدیکی وتبلیغاتک قانون دائره سننده اجرا ایدلیدیکی بالتدقیق آکلاشلمشدره بر موجب طلب عن الغیاب محاکمه نیک اجراسنه ووقتک عدم مساعدنه مبنی بوبابده کی دوام محاکمه نیک ۲۴ تشرین اول سنه ۳۲۶ تاریخنه تعلیقنه متفقاً قرار ویریلرک تفهیم اولمشیدی .

یوم معینده هیئت حا که متشکل واستیناف مدعی عمومیه سی معاونی علی رضا بک حاضر اولدینی حالده اجرای محاکمه علینیه ابتدارله هیئتجه قسماً تبدل وقوعنه مبنی ضبط سابق باقرانه مندرجاتنه اطلاع حاصل اولقدن صکره اوراق لازمه اوقوندی . بونلردن محکمه تمیز اعلامنک زبده مفادی : وظیفه مأموریتی سوءاستعمال واحوال سائرجه مجاسرت ایلک ماده سنندن دولایی مظنون علیه اولان اجرا مأمور سابق عثمان نوری افندی نیک تحدید جزاسی حاوی بدایت محکمه سی هیئت عمومیه سنندن ویریلن حکم ابتدائینک استینافاً تدقیقی مستدعی اعطا ایتش اولدینی استیناف استدانامه سنک مرجع رؤیت وتدقیق استیناف محکمه سی جزا دائره سی اولدینی بوکی مستدعیاتک هیئت عمومیهده استینافاً لزوم تدقیقه دائر برقید استثنائی قانونی موجود ومصرح اولماسیله مستدل اولسنه نظراً دائره مذکورجه سالف الذکر استدانامه اوزرینه تدقیقات مقتضیه اجرایی ایجاب ایدرکن مذکور استدانامه نیک استیناف محکمه سی هیئت عمومیه سننه خطاباً تنظیم واعطا قلندیقی

سرشته سيله و معامله مقتضيه نك هيئت مذ كوره جه ايفاسى لزومندن بختله اوراق دعوانك استيناف مدعى عموميلكنه اعاده سنده قرار ويرلسى يولسز و مغاير اصول و قانون اولوب لايحه تميزيه محتوياتى وارد و بجا كورنش ايدوكندن اصول محاكمات جزائيه نك اوچيوز اون دردنجى و اوچيوز اون طقوزنجى ماده لى منطقجه قرار مذ كور اعلامك بوندن دولايى نقضيله احكام قانونيه دائره سنده ايفاي معامله اولمق اوزره اوراق متعلقه سنده محكمه محليه اعاده سنده و ايكويوز غروش اعلام خرجك حقسز حيقه جق طرفدن استيفاسنه قرار ويرلدكندن و اعلام منقوضك عيناً مالى : وظيفه مأموريتنى سوء استعمال و اوراق رسميه يى ضياعه اوضر اتمسندن و اموال اميريه دن اوچيك يوز اللى غروشى ذمتنه كچورمسندن دولايى مظنون عليه اولان كورنجه اجرا مأمور سابق عثمان نوري افنديك بر بچق سنده مدته حبس سنده و ذمتنه كچوردىكي مبالغ معلومه نك كندوسندن لزوم تحصيله دائر كورنجه بدايت محكمه سى هيئت عموميه سندن ويريلن حكم مذ كوره عدم قناعتله استيناف دغوايى متضمن محكوم عليه طرفدن معطى استدعائمه بو خصوصه متفرع اوراق ايله برلشديريله نك استيناف مدعى عموميلكنه ۳۰ مارت سنه ۳۲۶ تاريخلو تبليغنامه سيله محكمه يه توديع اولمغله بالمطالعه اجراي محاكمه ايچون تعيين اولان ۳۲۶ سنه سى شهر مائسك دردنجى كوني هيئت حاكمه متشكل و استيناف مدعى عمومى معاونى على رضا افندى حاضر اولدينى حالده مستأنف طرفدن كوندريلوب قرائت ايتديريلان استدعا و شهادتنامه مألورى يوم محاكمه دن ايكي كون صكره تأهل ايدجكندن و سائر ه دن بختله محاكمه نك يوم آخره تعليق طلبى متضمن اولدينى كورلمكه مطالعه سى صوريلان معاون مومى اليه ك طلبى وجهله استدعاده مسرود معذرت شايد قبول كورلدكندن محاكمه نك تأخير اجراسيله مومى اليه يكيدن جلبنامه اسطاريه و محاكمه نك ۱۷ حزينان سنه ۳۲۶ تاريخه تعليقنه متفقاً قرار ويريله نك تفهيم قلنمشيدى . يوم معينده هيئت حاكمه متشكل و استيناف مدعى عمومى معاونى على رضا بك و مستأنف عثمان افندى ايله طرفدن دغوايى مذ كوره متعلق مدافعاته و متوقف اولدينى امورك كليسنه و كالت ايفاسنه مأذون اولمق اوزره مناسرت مقاولات محررلكندن مصدق ۱۷ حزينان سنه ۳۲۶ تاريخلو و كالتنامه يه استناداً حسيب افندى و كالة موجود اولدينى حالده مستأنفك هويتى بالاستفسار اسمى عثمان باباسنك اسمى اورخان اوتوز درت ياشنده قولونيه قضاسنك نوه سل قريه سندن عرضحالچى وغير محكوم متأهل چوچقلى ايدوكنى بيان و بدايه لاحق اولان حكم هيئت عموميه جه ويرلمش اولديغندن اول امرده بوجهت حقه نك مطالعه سى حاضر بولنان معاون مومى اليه دن لى السؤال كچه بدايه هيئت عموميه حضوريله رؤيت و قراره ربط اولنش ايسه ده اشبو استيناف دعواسنك هيئت حاضره استينافيه حضوريله رؤيتى وظيفه داخلنده بولنديغندن اول صورتله هيئت حاضره جه تدقيقه قرار ويرلسنى طلب و مدافعه و كلى حسيب افندى دخى هيئت استينافيه حاضره اشبو دعوانك رؤيته صلاحيتدار اولديغنى علاوه درميان ايلريله بوجهت مذاكره اولنه جنى بيلديرلمكه مذاكره اوطه سنده كلندى . ايجاب كيفيت لى المذاكره مستأنف عثمان نوري افندى طرفدن كورنجه بدايت محكمه سى

هيئت عموميه سندن عليهنه ويريلن حكمك استينافاً رؤيت و تدقيقى حقه نك تنظيم اولنان استدعانك مناسرت استيناف محكمه سى هيئت عموميه سنده خطاب ايديله نك اورياه اعطا ايدلمش اولمسنه كوره ذكر اولنان استدعا اوزرينه ايجاب ايدن معامله نك هيئت مذ كوره جه ايفا اولمسنه ايجاب ايدجكندن بناء سالف الذكر استدعا ايله اوراقك مع تفرعات استيناف مدعى عموميلكنه لزوم اعاده سنده ۲۳ جمادى الاخر سنه ۳۲۸ و ۱۷ حزينان سنه ۳۲۶ تاريخنده و جاهاً و اكثريته قرار ويرلدىكي محرر ايدوكى كورلمكه معاون بكدن لى السؤال نقض واقعك قبوليله بر موجب نقض تدقيقات استينافيه نك اجراسنه قرار ويرلسنى طلب ايلمكه مذاكره اوطه سنده كيدلى ايجابى لى المذاكره نقض واقعك قبوليله بر موجب نقض تدقيقات استينافيه نك اجراسنه متفقاً قرار ويريله نك قرار مذ كور بعد التفهيم اعضا تقريرى قرائت و تدقيق اولندقه اعلام مذ كور محكوم عليه ۸ مارت سنه ۳۲۶ تاريخنده تبليغ و استيناف استدعاسى دخى ۱۱ مارت سنه ۳۲۶ تاريخنده قيد اولنش وشو حالده مدت قانونيه سى ظرفنده ويرلدىكي نمايان اولمغله اوراق استينافيه اوقوتديرلدى . بونلردن اعلام ابتداءيى خلاصه سى : مومى اليه عثمان افنديك رسماً كندوسنه مدعى عمومى طرفدن يازيلوب اوراق مياننده بولنان اوچ قطعه مذ كويه و قتيله جواب ويرمديكى و خزينه عائد بيك اوچ يوز اون ايكي غروش اون پاره يى تحصيل ايله دفتر مخصوصه قيد و خزينه يه تسليم ايتيره نك ذمتنه كچوردىكي و بيك اوچيوز اللى غروش مصارف محاكمه يى محتوى اولان اون اوچ قطعه اعلامات جزائيه يى ضايع ايله خزينه يى متضرر ايتديكى اوراق مياننده موجود قوميسيون مخصوصنك محاسبه راپورى و دور تساميم دفتريله تحقق ايتش و اوراق مياننده موجود ۲۹ كانون ثانى سنه ۳۲۵ تاريخلو و يوز التمش درت نومرولى ورقه جوابيه سنده مضروبيله عائد مبالغك اصحابنك مراجعتنه تعليق ايدلدكنى و اجرت مباشره ده كنديلرينه اعطا ايدلامسى بر مقصده مستند اولمادىغنى درميان ايتكمده ايسه ده مضروبه عائد مجازات نقيه نك تحصيليله اولبابده كى دفتر مخصوصه قيد و مراجعتى حالده اصحابنه اعطاسى و عدم مراجعتسده ديپوزيتو طريقيله خزينه يه ياتيرلسى مقتضى ايكن مومى اليه ك بوخصوصه رعايت ايتيره نك مبلغ مذ كورى زنده اليقويوب ذمتنه كچيرمسى مقصدينك تظاهرينه كافى و مدافعه واقعه سى غير وارد كورلدكندن مومى اليه ك وظيفه مأموره سنده تراخى و قصور و مال ميرى يى ذمتنه كچيرمسى افعالنك سبب شدت عديله محافظه سنده مأمور اولدينى اوراق رسميه يى تلف و ضايع ايدلدكنى تحقيق ايتش اولمغله حركتنه تماس ايدن قانون جزانك يوز يكرمى يدنجى ماده سنك فقره اخيره سى موجبجه كنديسندن بر آيلق جزاي نقدى اخذيله بر بچق سنده مدته حبس سنده و ذمتنه كچيروب خزينه جليله عائد بولنان بيك اوچيوز اون ايكي غروش اون پاره ايله اعلامات جزائيه نك محتوياتى بولنان بيك اوچيوز اللى غروشكه جمعاً ايكي بيك التيوز التمش ايكي غروش اون پاره نك بالتحصيل خزينه يه تسليم ايتديرلمسنه و مضروبيله عائد سكر يوز سكرسان ايكي غروشك دخى كنديسندن تحصيليله ديپوزيتو صورتيله خزينه يه تسليمينه و يوزده بش حسابيله اجرت و كالتك دخى كنديسندن اخذينه قرار ويرلدكنى حاوى و استيناف استدعائمه سنده تقديم ايدجكى لايحه ده

درمیان ایدم چکی اسباب فسخیه واثنای محاکمه ده بیان ایدم چکی مدافعات قانونیه موجب نه اعلام مستأنف بهک فسخیه برائتیه قرار اعطاسی و تبلیغنامه منایاسی دخی مومی الیهک زمان مأموریتی احتوا ایدن ۱۶ تموز سنه ۳۲۲ تاریخندن ایشدن ال چکدیرلیدی ۱۱ مارت سنه ۳۲۵ تاریخنه قدر کچن ازمانک بر قسمی عفو قانونک تاریخ نشرندن مقدمه عائد بولنش اولسنه مبنی مسنده جرائدن ذمتنه اموال امیریه کچورمک واعلامات جزائیه بی ضیاعه و غرامتی کی افعالك هانکی تاریخلرده ایقاع ایدلیدیکنک تحقیق لازم ایکن بوجهت لک تعمیق ایدلامسی و مومی الیهک اوراق میاننده بولنان افادات تحریریه سنک مندرجاتی سبب تشدید جزا عدایدیلن وظیفه مأموره سنده تراخی و قصور و مال میری ذمتنه کچورمک افعالك ثبوتیه مدار اوله بیله چک اولان ۱۱ کانون نانی سنه ۳۲۴ تاریخ وایکی یوز اون بر نومرولی و ۷ کانون نانی سنه ۳۲۴ تاریخلو و ۱۴ کانون نانی سنه ۳۳۴ تاریخ وایکی یوز اون آلی نومرولی و ۱۱ کانون نانی سنه ۳۳۴ تاریخ وایکی یوز اون ایکی نومرولی و ۱۳ کانون نانی سنه ۳۳۴ تاریخ وایکی یوز اون درت نومرولی مدعی عمومی معاونک معامله لی معامله سز مذکره لریله ۲۹ حزران سنه ۳۲۲ تاریخلو مقبوض عام و خبری صورتک اثنای محاکمه ده قرائت و مندرجات لریک خلاصه ویا عیناً اعلامه درج ایدلامسی و شاهد مباشر امین افندی محکمه جه مضروب ویرمک اوزره حکم اولنوب دائره اجراجه تحصیل اولنان مبالغی طلب ایتدیکی حالده مأمور مومی الیه عثمان افندینک اعطا ایتدیکنی اخبار ایتشیکن اصحابک کیملر ایدوکنک شاهد مومی الیهن صورلامسی و حکم یرنده تعیین جزا ایچون تطبیق ایدیلن ماده قانونیه نک اصول محاکمات جزائیه قانونک یوز یتش طقوزنجی ماده سی صراحتی و جهله بعبارتها عیناً اعلامه درج ایدلامسی و مومی الیه عثمان افندی به بر آیلق جزای نقدی حکم ایدلیدیکی حالده معاش شهرسی مقدارینک تصریح اولنلامسی وایک محاکمه ایچون تعیین قتلان ۲۴ کانون نانی سنه ۳۲۵ تاریخنده معذرتنه مبنی کله میه چکنه دائر کشیده ایدلیدیکی ۲۵ کانون نانی سنه ۳۲۵ تاریخلو تلذرافنامه سنک محاکمه نک معلق بولندینی کونده قرائتله بو بابده بر قرار اتخاذا ایدلامش اولسی و محکمه یه خزینه وکیلی نجیب افندی مدعی صفیه جلب ایدلش و مومی الیه خزینه یه عائد مبالغه مأمور مومی الیه عثمان افندیدن ویا کفیلندن تحصیل طلب ایتش ایکن کفیلنک دخی محکمه یه جلیله محاکمه نک حضورنده اجرا ایدلامسی و مومی الیهک ایشدن ال چکدیرلیدی اوزرینه دورینک منتظماً اجرا قلنادینی قومیسون مخصوصنک راپورنده محرر و ضایع ایتدیکی ادعا قتلان یوز سسکز قطعه اعلامات جزائیه دن بالاخره یتش اوج قطعه سنک کندوسنه دور ایدلیدیکنک سطحی بر تحقیقاتله اکلایدینی دخی بونی مؤید ایکن ضایع ایتدیکی ادعا اولنان اون اوج قطعه اعلامک برسوء مقصده مبنی ضایع ایدیلوب ایدلیدیکنک اکلایلامسی ضمننده بولنک برر قطعه خلاصه لریک محکمه دن اخذی و اصحابک جلیله مبالغ مذکوریه تأدیه ایدوب ایتدک لریک تحقیق ایله کیفیتک تعمیق لازم ایکن بو جهندن ذهول ایدلمسی یولسز و مخالف اصول و قانون اولدینندن اعلام مذکورک فسخیه محاکمه نک یکیدن اجراسی طلبنی متضمندر . محکوم علیهک لایحه استینافیه سنده جدآ معاملات اجرائیه نک بر حال انتظامه وضعنه سعی و امک صرف ایدلیدی

حالده دائره نک طار اولسنه و سلفندن مدور و زماننده کان اعلاماتک کافه سی موجود اولسنه و نقصان دنیلان یوز کسور اعلاماتدن بعضیلری غیر مدور قصورینی دخی یتنه قاریشیدیردقلری اوراق میاننده بولوب کندیلرینه ارايه اولنه چغندن و هیئت عمومیه معذرتی متضمن کشیده ایدلیدیکی تلغرافده معذرت واقعه نک نظر اعتباره النایوب غیابنده محاکمه نک اجراسی و مضروب عائد بر لیرانک نزدنده اولدینی اقرار ایدلیدیکی و دفاتر و قیودات کوز لجه تدقیق بیورلدینی تقدیرده مضروب عائد مارالذ کر جزای نقدی و جزئی مقداره اجرت مباشریه دن باشقه بر کونا ذمت وایلدیشکی ظهور ایتیه چکی و هیچ بر اوراق و اعلامات ضیاعه اوغرا تماندینی تحقیق ایده چکندن تدقیقات محقانه اجراسیله معذوریتیه نهایت و برائتیه قرار ویرلمسی استرحامندن عبارتدر . نه دیه چکی معاون مومی الیهن صورلدیده تبلیغنامه مندرجاتی بالتکرار حکم مستأنف بهک فسخی طلب و تذکار المسیله بو جهت حقنده مذاکره اولنه چکی افهامله مذاکره اوطه سنه کیدلای . ایجاب کیفیت لدی المذاکره مأمور مومی الیه عثمان افندینک مدت مأموریتی احتوا ایدن ۱۶ تموز سنه ۳۲۲ تاریخندن ایشدن ال چکدیدی ۱۱ مارت سنه ۳۲۵ تاریخنه دکن کچن ازمانک بر قسمی عفو قانونک تاریخندن مقدمه عائد بولنش اولسنه مبنی جرائدن ذمتنه اموال میری یی کچورمک و اعلامات جزائیه بی ضیاعه اوغرا تمق کی افعالك هانکی تاریخلرده ایقاع ایدلیدیکنک تحقیق ایدلامسی و مومی الیهک ذمت مثبتیه سی ناطق و بخارینه متضمن اوراقک نه عیناً ونده خلاصه اعلام مستأنف بهده درج ایدلامسی مستلزم فسخ خطی ایدن بولنش اوغله مستأنف عثمان نوری افندینک بر آیلق جزای نقدی اخذیه بر بچق سنه مدته حبسنه و ذمتنه کچروب خزینه یه عائد بولنان بیک اوچیوز سکسان ایکی غروش اون پاره ایله اعلامات جزائیه نک محتویاتی بولنان بیک اوچیوز الی غروشکه جمعاً ایکی بیک الیوز التمش ایکی غروش اون پاره نک بالتحصیل خزینه یه تسلیم ایتدیرلسنه و مضروب باره و مباشره عائد سسکز یوز سکسان ایکی غروشک دخی کندیسندن تحصیلیه دیپوزیتو صورتیه خزینه یه تسلیمیه و یوزده بش حسابیه اجرت و کالک دخی کندیسندن اخذیه و یوز یکریمی غروش مصارف محاکمه نک ده کندیسندن استیفاسه دائر کوربجه بدایت محکمه سی هیئت عمومیه سندن صادر اولان ۱۵ شباط سنه ۳۲۵ تاریخ ویشیوز یکریمی الی نومرولی اعلامک فسخنه و ایجاب ایدن محاکمه نک یکیدن رؤیت و تدقیقنه متفقاً قرار ویرلهرک قرار مذکور بعدالتفهم مستنطق قرارنامه سی بالقرائه کوربجه اجرا مأموری عثمان اندی حقنده اجرا قتلان تحقیقات استنطاقیه نتیجه سننده مومی الیهک زمان مأموریتنده وظیفه مأموریتی سوء استعماله اجرا یه عائد اجرت مباشریه لری ایراد قید ایتیه رک ذمتنه کچیردیکی کی زمان مأموریتنده اعلامات جزائیه دن بر قسمی ضیاعه اوغرا تمانسندن محتویاتی اولان بیک اوچیوز الی غروش دخی ذمتنه کچیردیکی و تحصیلدار ادم افندینک بشیوز غروش راده سنده کی یوزده یدی بچق عاداتی ویرمیدی و مضروب قاسم و طودی یه ویرمیوب ذمتنه کچیردیکی و جمعفردن آلدینی مصارف محاکمه یه مقابل نقصانیله یوز غروش عام و خبر ویرمسی علی الدرجات مخبرلرک اخبارلری و اوراق موجوده مندرجاتیه اکلایلامقه و حرکت واقعه سی قانون جزانک یوزایکنجی و طقسانجی ماده لرینه

موافق جنبه نوعیدن بولمقدمه اولدیغندن تشکیل محاکم قانونتک الی اوچنجه ماده سی موجب جنبه کوریجه بدایت محکمه سی هیئت عمومی سنده محاکمه سی اجرا اولنق اوزره اعظم جرم اعتباریه مذکور طقسانجه ماده سی حکمنه توفیقاً جنبه ایله لزوم محاکمه سی ویکرمی غروش استنطاق خرجتک کنديسندن تحصيله قرار ویرلديکني حاکم ۷ و ۱۹ کانون ثانی سنه ۳۲۴ و ۸ کانون ثانی سنه ۳۲۴ و ۱۱ کانون ثانی سنه ۳۲۴ و ۱۳ کانون ثانی سنه ۳۲۴ و ۱۹ کانون ثانی سنه ۳۲۴ تاریخلریله مورخ معاملی مذکره لراوقوندى بونلردن ۷ کانون ثانی سنه ۳۲۴ تاریخلو مذکرده شهر ایولی ظرفنده اجرت تبلیغیه اولق اوزره اوچپوز اون ایکی غروش اون پاره عثمان افنديک ۲۹ اغستوس سنه ۳۲۳ تاریخلو سنده مقبوضی بولنديغی ۸ کانون ثانی سنه ۳۲۴ تاریخلو مذکرده ۹ تموز سنه ۳۲۳ تاریخلردن ۸ کانون ثانی سنه ۳۲۴ تاریخله قدریکرمی درت قلمده اوچپوز الی غروش اوتوز پاره نک اجرا مأموری عثمان افندی طرفندن بالتسلیم ایراد قید ایدلديکی ۱۱ کانون ثانی سنه ۳۲۴ تاریخلو مذکرده اعلامات جزائیہ خرجلردن تشرین ثانی ظرفنده قاچ غروش حاصلات وقوع بولديغنک و تحصيلات مقداری بیک اوچپوز اون بش غروش اولدینی حلاله یوز بیکرمی درت غروش اوتوز پاره آلمی یوزده قاچ غروش حسابیه عادات آلديغنک استیضاحی حاوی جوابنک زیرنده مقدار تحصيلاته کوره یوزده اون حسابیه عاداتی اولمقدار ایدوکی جزئی برتدقیقاتله اکلایله جنی اوفاق ایشلرده فیما بعد رسماً معامله اجرا ایدیلجه چکی و کذلک ۱۳ کانون ثانی سنه ۳۲۴ تاریخ وایکی یوز اون بش نومرولی مذکرده اعلامات جزائیہ خرجلریک تحصيلاتنده پولیس مأمورلریک معاوننده بولنیلوب استیضاحلری آلدیقلری ۱۳ کانون ثانی سنه ۳۲۴ تاریخلو ۲۱۴ نومرولی دیگر معاملی مذکرده اعلامات جزائیہ خرجلری ضابطه جه تحصيل ایدلمش ایسه ده اجرا مأموری طرفندن عادات ویرلديکنه دائر معلوماتلری بولنديغی و ۱۹ کانون ثانی سنه ۳۲۴ تاریخلو کوریجه بلدیہ ریاستندن وقوع بولان استیضاحنامه سی اجرایه متعلق خصوصانده اجرا مأموری عثمان افندی طرفندن مشکلاته دسترس اولمديغی میندرلر نه دیه چکی معاون مومی الیهدن صورلدقه کوریجه بدایت محکمه سی اعضاسندن برذاتک نیاتی تحتده مظنون علیه اجرا مأمور سابق عثمان نوری افندی ایله ایوم اجرا مأموریتنده بولان ذات حاضر اولدقلری حلاله مأمورین مالیه وسائر ایجاب ایدن ارباب وقوفدن بر قومیسون مخصوص تشکیلیه مومی الیه عثمان افنديک زمان مأموریتی احتوا ایدن ۱۶ تموز سنه ۳۲۲ تاریخلردن ایشدن ال چکدیرلديکی ۱۱ مارت سنه ۳۲۵ تاریخله قدر کچن ازمانده مدعی عمومی معاونی طرفندن برای انفاذ کندوسنه تودیع ایدیلان اعلامات جزائیہ بقایاسنک مقدارینک تحقیقی و اعلامات مذکوردن هانکیلریک ضیاعه اوغرادقلریک وهانکیلریک حاوی اولدینی مبالغتک تحصيل واستیفای ایدلديکی حلاله مالصندوغنه تسلیم ایتیموب مومی الیهک ذمتنه کچر دیک مبالغتک هانکی سندن تحصيل ایتدیکنک تحقیقی والیوم مومی الیه عثمان افنديک خلفنه نه قدر اعلام دور ایتدیک و ضیاعه اوغرادیلان اعلاماتک خلاصه لری عائد اولدینی محکمه دن بالاخذ اصحابنک

جلیله محتویاتنک اخذ و تحصيل اولنديغنه دائر نزلرنده مقبوض علم وخبرلری اولدینی حلاله کیمک طرفندن ویرلمش اولدینی خصوصاتنک قومیسون مذکور طرفندن حریض و عمیق تدقیقه باراپور انباشنه و بدایت استماع قلنان شهودک جلب واستماعلرینه قرار ویرلمشنی طلب ایدلی . ایجاب کیفیت لدی المذاکره بدایت استماع قلنان شهودک جلبی حقنده بعده مذاکره کیفیت اولنق اوزره اول امرده مظنون مومی الیه عثمان افنديک زمان مأموریتی اولان ۱۶ تموز سنه ۳۳۲ تاریخله قدر کچن ازمانه عائد کرک مدعی عمومی معاونلکنندن برای انفاذ کندوسنه تودیع ایدیلان و کرکسه سلفندن دور اولنان اعلامات جزائیہ مقدارینک تحقیق و بونلردن هانکیلریک ضیاعه اوغرادقلری و حاوی اولدینی مبالغتک تحصيل واستیفای ایدیلوب ایدلديکنک و بونلردن اخذ و تحصيل اولنان مبالغدن نه مقدارینک مالصندوغنه تسلیم ونه مقدارینک مومی الیهک ذمتنده قالدینی وهانکی سندنلره عائد ایدوکنک و ضیاعه اوغرادیلان اعلاماتک خلاصه لری عائد اولدینی محکمه دن بالاخذ اصحابنک جلیلله محتویاتنک اخذ و تحصيل اولنديغنه دائر نزلرنده مقبوض اولدینی حلاله کیمک طرفندن ویرلمش اولدینک و تحصيلات مقدارندن کرک اشخاصه و کرک خزینسه به وعلاقه دارانه متعلق عاداتدن مومی الیه عثمان افندی ذمتنه قالدان اچقه مقدارینک هر برقم حقنده مفرداتلری و تاریخلری ارأه ایدلمک صورتیه تحقیق و عریض و عمیق تدقیق اولنهرق حاصل اوله جق نتیجه یی موضح و مدلل اوله رق باراپور محکمه به انباشی ضمننده کوریجه بدایت محکمه سی اعضاسندن طوما افنديک ریاستی تحتده لوی مذکور بدایت محکمه سی حقوق و جزا باش کاتبلردن مرکب بر قومیسون تشکیلیه اجرا مأمور لاحقی دخی حاضر اولدقلری حلاله مظنون عثمان افندی دخی ایضاحات النق اوزره کندوسنک جلبی وعدم اجابتی حالنده غیابنده تدقیقات لازمه نک ایفاسی ضمننده استیناف مدعی عمومیلکی مأمورین علیه سنه تذکره تسطیرینه و محاکمه نک جوابک ورودینه دکن تعلیقنه متفقاً قرار ویرلهرک تفهیم قلمشدی .

اخیراً برای محاکمه قرارلشدیریلان بیک اوچپوز بیکرمی یدی سنه سی شهرمایسنک اون بشنجه کونی هیئت حاکمه متشکل اولدینی و مدعی عمومی معاونی علی رضا بک حاضر بولنديغی حلاله اجرای محاکمه علنییه ایتدارله هیئتجه تبدل وقوعندن طولانی ضبط سابق بالقرائه مندرجاتنه اطلاع حاصل اولدقدن صکره قومیسون مخصوص طرفندن مورود ۱۳ نیسان سنه ۳۲۷ تاریخلو وزیر قومیسون رئیس کوریجه بدایت محکمه سی اعضاسندن ساعتی طومه و حقوق محکمه سی باش کاتبی سلیمان سامی و جزا محکمه سی باش کاتبی مصطفی ابراهیم بن ادهم مهرلی ضبط ورقه سی بالقرائه عیناً مندرجاتی : اجرا مأمور لاحقی شا کر و مظنون مومی الیه عثمان افندیلر حضورلریله تدقیقات و تحقیقاته ایتدار اولندقدن مومی الیه عثمان افنديک ۱۶ تموز سنه ۱۳۲۲ تاریخله ایشه مباشرت ایتدیکي ائنده سلفی حق افنديدن دوراً الدینی اعلامات ایله مدعی عمومیلکنندن برای انفاذ کندوسنه تودیع اعلامات جزائیهدن ظهور ایتیموب ضیاعه اوغرادقلری اولکی قومیسون هیئتی طرفندن کوستریلان یوز سکن اعلامدن یتش ایکیسنک اساساً مومی الیه دور ایدلديکی

انجمنده محفوظ دور جدولی مندرجاتندن اكلاشلمش ومتباقی اوتوز اتی قطعه اعلامدن یكرمی سكری بالتحریر ظاهره چیقارلمش ایسهده باقی قالان سكری قطعه اعلامدن اوچك مصارف محاکمیری اولان ایکی یوز التمش غروشك ایراد قید ایدلمش فقط اعلامات میدانده اولمادیی ایچون پول صرف ایدیلوب ایدلمدیکی جهتی تعین ایتماش و مذکور اوچ اعلامك جزای نقدیلری اولان ایکی یوز یكرمی بش غروش ایله متباقی بش قطعه اعلام محتویانك تحصیلنه دأثر بر قید کوریلهماش وقیدلری آچیق بولندیی جهته محتوی اولدقلری اوچیوز سکسان غروشکه مدحیث المجموع الی یوز بش غروشك عثمان افندی ذمتنده کورلدیکی اكلاشلمش اولمغه مذکور اعلاماتی بولوب تسلیم ایتسی مومی الیه عثمان افندی به تفهیم ایدلدکده دیگر اعلاماتك بولندیی کی بولرک دخی بریرده ایلشوب قالمش اولهجنی و محتویانی قطعاً تحصیل ایتماش ایدوکنی وشمیدیلک نروده تحری ایدهجککنی بیله مدیککندن خلاصه لرینک محکمه قلمندن جلبنی طلب ایتمکله اولوجهله معاونلکه یازیلان مذکره اوزرینه الی قطعه سنک خلاصه صورتلری تودیع ایدلمش وایکسینک قیدی بولنهماش اولدیغندن دیگر برمحکمه دن صدور ایتمش اولهجنی بیان ایدلمش و ضیاعه اوغرا دیلان اشبو اعلاماتدن بریسی ۱۹ ایلول سنه ۱۳۰۸ تاریخ و سکسان طقوز نومرولی رژی اداره سنه عايد اولدیی کورلمکله محتوی بولندیی التمش بش غروش مصارف محاکمک اجرادأثره سنه تسلیم ایدیلوب ایدلمدیکی خصوصی رژی دأثره سندن بالاستعلام مبحوت عنه اعلامك جزای نقدیسی تحصیل ایدلمش اولوب خارجاً و یاخورد اجرا معرفیه اجرا اولندیی قیدینه تصادف ایدیلهماش ومع هذا اعلام مذکورک تاریخ صدورندن شوآنه دکی اون بش سنه یی متجاوز بر مدت مرور ایتمش اولدیغندن مرور زمانه اوغرا ماش و حکمی قالمش ایدوکی بولنده جواب ویرلمش و دیگر ۱۹ تشرین اول سنه ۱۳۱۲ و ۱۳ کانون اول ۱۳۱۸ تاریخ و یوزیمش یدی و یوز قرق ایکی نومرولی ایکی قطعه اعلامك صاحبیری اولان اسپرو دارده و کوریمجهلی سوطیرواسیل آراشدیرلمش ایسهده بواسملرده کیسه بولندیی جوابی آلمش و دیگر ۲۲ کانون اول ۱۳۲۱ تاریخ و درتیوز بش نومرولی یتمش غروش مصارف محاکمینی حازی بولنهلی ایلورانی به عايد اولوب مرقوم ایلو بالجلب صدورلدقده مبالغ مذکور ی تسلیم ایدوب ایتمدیکنی درخاطر ایده مامکده اولدیی کی تسلیمنه دأثر علم و خبری دخی اولمادیی بیان ایلش و ۷ ایلول سنه ۳۲۲ تاریخ وایکی یوز قرق آلتی نومرولی اوتوز بش غروش مصارف محاکمه جزای نقدی متضمن تشیخهلی حاجی محموده عايد اعلامك محتویاتی حقنده مرقوم حاجی بالجلب صدورلدقده مبلغ مذکور ی تسلیم ایتمش ایسهده تسلیمنه دأثر علم و خبری اولمادیی اثبات ایلش و ۸ تموز سنه ۱۳۰۹ تاریخ و آلتش سكری نومرولی اعلامك محتوی اولدیی ایکی یوز اون غروش مصارف محاکمسی بالتحصیل مقابلنده مقبوض علم و خبری ویرلمش و مبلغ مذکورک مال صدوغنه یا تیرلمش اولدیی بالتدقیق تظاهر ایلش ومتباقی قالان مضروب به عايد یوز غروش جزای نقدینکده مومی الیه عثمان افندی به تسلیم ایدلدیکی حاجی بارچ قرهلی جعفر علی طرفندن مدافعه افاده ایدلمکده بولمش ایسه مقابلنده مقبوض علم و خبری آلماش ایدوکی اكلاشلمش و ۱۲ تموز

سنه ۱۳۱۶ تاریخ و یوز سكری نومرولی اعلامك محتوی اولدیی یوز یكرمی غروش مصارف محاکمسی ویراد قید ایدلمش ایسهده مضروب به عايد برلیرا جزای نقدینک تحصیل ایدلماش اولدیی کورلمش و ۲ کانون ثانی سنه ۱۳۱۵ تاریخ و اوچ یوز قرق نومرولی کنوماشلی سلیمان علوشه عايد اعلامك مصارف محاکمسی اولان یكرمی بش غروشك مرقوم علوشك امریقاده بولمسندن ناشی تحصیل وعدم تحصیل اكلاشلماش وشو حاله نظراً عثمان افندیك ضیاعه اوغرا ماش اولدیی سكری اعلامك محتویاتی اولوب نالتحصیل کوریلان الی یوز یكرمی بش غروشك تحصیلنه دأثر بر قید بولمادیی کی اعلامات دخی میدانده بولمادیغندن تحصیل وعدم تحصیل تظاهر ایتماش و محکمه دن جلب ایدیان مذکور الی قطعه حکم بوصله سی صورتلری اجرا مأمور لاحق شاکر افندی به تسلیم ایدلمش و اعلامات حقوقیه نک دخی تدقیقندن مستبان اولدیغنه نظراً مفتش عمومیلک مأموریت جلیله سنک مباشر اجر تلرینک مال صندوقلرینه یا تیرلمش حقنده کی ۳۰ حزیران سنه ۱۳۲۳ تاریخلو امرنامه سندن اجرت مباشریه اولهرق آلمش و ایراد قیدی لازم کلدیکی حالده قید ایدلمدیکی ضبط نامه لرک اوزرنده علی الاصول رسوم عدلیه پولی الصاق ایدلماش اولمسیله اكلاشلمش اولان بولقه قره سنه عايد ۹ حزیران سنه ۳۲۴ تاریخنده یكرمی و پروغون قره سنه عايد ۹ کانون اول سنه ۳۲۴ تاریخنده اون سكری وینه بولقه قره سنه عايد ۷ تموز سنه ۳۲۴ تاریخنده یكرمی و اوسقپول قره سنه عايد ۱ تشرین ثانی سنه ۳۲۴ تاریخنده اون الی و تشدیچه قره سنه عايد ۱۷ ایلول سنه ۳۲۴ تاریخنده اون و پویان قره سنه عايد ۲۱ ایلول سنه ۳۲۴ تاریخنده اون ددرت و دره نوه قره سنه عايد ۲۵ تشرین اول سنه ۳۲۴ تاریخنده اون و پنداون و برمیچ قره سنه عايد ۱ تشرین ثانی سنه ۳۲۴ تاریخنده اون ددرت و ولیچان قره سنه عايد ۳۱ تشرین اول سنه ۳۲۴ تاریخنده ۴ اوپرو دینه قره سنه عايد ۱۴ تشرین ثانی سنه ۳۲۴ تاریخنده اون کی وینه پویان قره سنه عايد ۱۱ کانون ثانی سنه ۳۲۴ تاریخنده اون ددرت و بارچ قره سنه عايد ۲۶ ایلول سنه ۳۲۴ تاریخنده اون و کوریمجهلی نچوفوطویه عايد ۲ ایلول سنه ۳۲۴ تاریخنده یكرمی و کوریمجهلی حافظ یحیایه عايد ۲۵ تشرین اول سنه ۳۲۳ تاریخنده اون ایکی و مباشر درویش افندی به عايد ۲۶ نیسان سنه ۳۲۴ تاریخنده اون الی و کوریمجهلی وانه سوطیر مانغولیه عايد ۲۰ اغستوس سنه ۳۲۳ تاریخنده اون ددرت غروشکه جمعاً ایکی یوز اوتوز ددرت و زراعت باقه سندن ویریلوب کذلک ایراد قیدی لازم کلدیکی حالده قید ایدلماش بولنان ایکی یوز سکسان که جمعاً بشیوز اون ددرت غروشك مومی الیه عثمان افندی ذمتنده کورلمکده اولمسیله مبالغ مذکور ی نه صورتله ونه سببه بناء نرندنه آلیقویمش اولدیی مومی الیه عثمان افندیك استیضاح ایدلدکده قانون حکم و قوتی حائز اولان حرج تعرفه سنده کی صراحت کافی به و ما قبلینه دخی شمولی اولان عدلیه نظارت جلیله سنک ۱۳ تموز سنه ۱۳۲۵ تاریخ و درتیوز یكرمی طقوز نومرولی امرنامه عالیسنه و زمان مأموریتنده بولنان عدلیه مفتشلرندن ندیم بکک امرشفاهیسنه و مقدما و حالاً جاری معاملاتنه مخالف اولهرق بیان اولنان بشیوز اون ددرت غروش اجرت مباشریه نک یالکیز مفتش عمومیلک مأموریت علیه سنک اعلان حریتدن مقدم مغایر قانون امر نامه سنه

مستنداً خزینة جلیله ایراد قیدی لازم کاور ایسه بالاخره مبلغ مذکور میانلردن وکندوسندن استیفا ایدلمیانلردن و محسوباً الانلردن محکمه عائدنه طرفدن بالمراجعه احقاق حق ایتک چاره سنه توسل اولمق اوزره مأمور مسئولی اولدینی حسببیله مبلغ مذکوری دیپوزیتو صورتیه شمعدیدن براقعه آماده اولدینی یولنده تحریراً جواب ویرمش و شو جوابه کوره مبلغ مذکور دخی حال حاضرده عثمان افندی ذمتده تحقق ایتکده بولنش و مضروبه عائد جزای نقدیلردن قبطلی قرانیلک برادری قاسمک ضربندن دولای محکوم اولدینی برلیرای قرانیلدن بالتحصیل قاسمه و طوروس ناشونک ضربندن محکوم دیستوقلی قسطنطینک تسویه ایدلکی برلیرای مرقوم طوروس و بدری ناستویه ویرلماسی و بارچ قریه لی جعفر علیدن تحصیل اولنان بش یوز غروش مصارف محاکمهیه مقابل درت یوز غروشلق علم و خبر ویرله رک یوز غروشک کتم ایدلمسی وانبوریه لی قبطلی حسن و بارچ قریه لی جعفر علی به عائد اولوب بولنمان اعلامک مصارف محاکمه سی اولان یوز اون غروش تحصیل ایدیلرک ایراد قید ایدلمش اولدینی حالد مضروبه عائد اولان یوز غروش جزای نقدینک دخی تحصیل ایدلمش اوله جنی خصوصاً مومی الیه عثمان افندی بامذکره لدی الاستفسار مضروبه عائد برلیرای قبطلی قرانیلدن بالتحصیل قاسمه اعطا ایدلکی هیچ خاطرینه کلدیکی کبی طودوس ناستونک ضربندن دولای محکوم دیستوقلی قسطنطینک تسویه ایدلکی برلیرای مرقوم طودونک امر بقایه کیتمش اولمسندن یرینه نام مستعارله آلمق اوزره دیگر برچو جق کتورمش اولدینی اکلایدیغندن ویرله رک نزدنده قالدینی و مرقوم طودی به عائد لیرای اعطایه مهیا ایدوکنی و قرانیلدن تحصیل ایله قاسمه ویرلمدیک ثبوت بولور ایسه مذکور لیرای دخی دیپوزیتو صورتیه براقعه حاضر اولدینی و بارچلی جعفر علینک یوز غروش کتم ماده سی بشقه سنک اثر تشویق یاخود کندوسنک اثر سهو وذهولی اوله جنی و چونکه کندوسندن آلدینی بارهیه مقابل علم و خبر ویردیکنی و بارچلی مرقوم جعفر علینک مضروبه محمودیه عائد برلیرای کذلک قبطلی حسین و جعفر علیدن تحصیل ایتامش ایدوکنی جواباً بیان ایلش اولمسنه نظراً مرقوموندن قرانیلک یکیشهرده اولدینی بالتتحقیق اکلایلمش اولغله والده سی بالجاب مذکور لیرانک تسلیمنه دائر علم و خبری اولوب اولمادینی صورلدقده مذکور لیرای اوغلی اجرا مأموری عثمان افندی به اعطا و مقابلنده علم و خبر آلمش ایسه ده مرور زمانله ضیاعه اوغراشمش اولدینی بیان و بارچلی جعفر علی بالجاب استیضاح کیفیت ایدلکده تسلیم ایدلکی بارهیه مقابل آلمش اولدینی اوچ قطعه علم و خبری ارانه و تودیع ایتمش ایسه ده مزبوره محمودیه عائد لیرانک تحصیلنی متضمن علم و خبر ارانه ایدمماش و فقط مذکور لیراییده ویردیکنی مصرأ بیان ایتمش وانبوریه ده قبطلی حسن اسمنده کیمسه بولنمادینی ضابطه دن بیلدیرلمش اولدیغندن مومی الیه عثمان افندی ذمتده یالکیز تحت اعترافنده بولنان مضروب طودوس ناستویه عائد برلیرای عثمانینک تحقق ایتکده بولنش و اجرا تحصیلداری آدم افندی نک ایشه مباشرت تاریخ اولان ۴ مایس سنه ۱۳۲۳ تاریخندن اشکاک تاریخ اولان ۱۱ مارت سنه ۱۳۲۵ تاریخنه دکین کچن زمانه عائد تحصیل اولنان اعلامات جزایه بقایای مقداری اون بریک طقوز

یوز اوتوز الی غروشدن عبارت اولوب مومی الیه آدم افندی به لوا انجن قرار ی اوزرینه یوزده یدی بچقدن عائداتی اولدینی تحقق ایدن سکیز یوز طقسان غروشدن یالکیز اوچ یوز غروشک اعطا و تسویه ایدلکی مومی الیه آدم افندی نک افاده شفاهی سندن آکلایلمش و شو حالد عثمان افندی نک ذمت حاضرده سی من حیث المجموع بیک ایکی یوز درت غروشدن عبارت بولنش اولدینی مبین راپور تنظیم قلدیغنی متضمندر . نه دیه چکی معاون مومی الیه دن صورلدقده اوراقک تدقیق و مطالعه سی ایچون طرفنه تودیعنی طلب و انبا ایلکهلدی المذاکره اولوجهله اوراقک برای مطالعه مدعی عمومیلکه تودیعنه متفقاً قرار ویرله رک تفهیم قلدیمشیدی اخیراً برای محاکمه قرارلشدیریلان اوچ یوز بکرمی یدی سنه سی مایسنک اون سکیزنجی کوئی هیئت حاکمه متشکل واستیناف مدعی عمومیسى معاونی علی رضا بک حاضر اولدینی حالد محاکمه علنییه دوام اولنهرق مطالعه سی صوریلان معاون مومی الیه مظنون مومی الیه عثمان افندی نک بدایه لاحق اولان اعلام مأموریتی احتوا ایدن زماندن بر قسمنی ۱۰ تموز سنه ۳۲۴ تاریخندن اول اولان بر زمانه مصادف اولمسنه و مومی الیه اسناد اولنان جرائمدن بر قسمنک تاریخ مذکور دن مقدم وقوعه کلسی ملحوظ بولندیغنه و بو جهنک تدقیق ایدلماسندن ناشی اولوب وارد اولان راپورده مومی الیه نک ذمتی اولمق اوزره کوستریلان مبالغک هانکی تاریخده طرفندن تحصیل ایدلمش اولدینی و ضایع ایدلکی بیان اولنان اعلاماتک هانکی تاریخده مومی الیه تسلیم ایدیلرک اضاعه ایدلکیکنه دائر بر قید و صراحت بولنماش و اعلاماتک اجرا مأمورینک مدعی عمومی معاونلکی طرفندن لاجل الافاذ تودیع ایدیله چکنه کوره اصل و یا خلاصه سی بولنه میان ایکی قطعه اعلامک هانکی محکمه دن صادر اولدینی و هانکی تاریخده مدعی عمومی معاونلکندن تودیع ایدلکی مدعی عمومی معاونلکی دفترنده مقید بولنه جغه مبنی اورادن تدقیقه مذکور اعلاملرک قننی تاریخده کیمه تودیع اولدیغنک قومیسون مخصوص طرفندن تدقیق ایدلماش بولنسی و اخبارنامه لرک تبلیغ اجرتی اولمق اوزره اخذ ایدوب ایراد قیدی لازم کاورکن ذمته کچریدکی بیان ایدیلان مبالنک مومی الیه دن هانکی تاریخده اخذ ایدلکی یکان یکان راپورده کوسترلمش اولدیغندن جهات مسروده نک تکرار تدقیقات اجرا ایلک اوزره قومیسون مخصوصه حواله اولمسنه قرار اعطانی طلب و انبا ایتکله بانذکر اولجه اتخاذ اولنان قرارده ضیاعه اوغرا دیلان اعلامات بولنه مادینی تقدیرده خلاصه لرینک اخذیه اصحابنک بالجاب اولصورتله تحقیقات لزومی کوسترلمسنه کوره اخیراً بر موجب قرار اجرا ایدیلان تحقیقاتی حاوی قومیسون مخصوصک فذلکه سنده اعلاماتک بولنه مامسی حسببیله آلتی قطعه سنک خلاصه لری بالاخذ اصحابندن اجرا ایدیلان تحقیقات نتیجه سنده اوچ قطعه سنک محتوی اولدینی مصارف محاکمه و قبیله تحصیل اولنهرق ایراد قید ایدلکی اکلایلمش و دیگر ایکی قطعه اعلام حقنده ایسه محلی مدعی عمومی معاونی معاونلککنه چده بر قیده دسترس اولنه مادینی بالاستعلام ویریلان جوابنامه مندرجاتندن مستبان اولدینی کوسترلیدیکنه و اجرت مباشریه کلنجه بونلرک تاریخ تحصیللرینی محتوی بر قطعه جدول اوراق میاسنده موجود بولندیغنه بناء طلب اولنان تحقیقاتک

جزانك ايكي يوز اوتوز التجي ماده سنه موافق افعالدين بولنش اولمغله ماده مذ كوره موجبنجه تمديد جزاسي طلب وادعا ايلكله هيئجهده شايان تدقيق ديكر بر جهت كوريله مامكله ختام محاكمه بيلديريله رك مذا كره او طه سنه كيدلدي .

ايجابي مذا كره اولدوقده حكم ابتدائي اسباب قانونيه دن دولايي بالفسخ جريان ايدن تحقيقات ومنتخب ميمزه نك اجرا ايلديكي حسابات نتيجه سنده مشتراً تنظيم وارسال ايتش اولدقلى ۱۳ نيسان سنه ۳۲۷ تاريخي راپورده كوسترليكي اوزره مومي اليه عثمان افندي نك سلفندن دور ايديلوب اعلام ابتدائيه ضياعه اوغرا ديني بيان قلنان اعلامادن اساساً ايتش ايكي عددى دور ايدلمديكي ويكرمي سكر عددى بالتحرى اخيراً ظاهره چيقارلديني وبولنيان سكر عدد اعلامدن اوچ عدد نيك مصارف محاكمه لرى بالتحصيل تماماً ايراد قيد ايدلمش وبر عدد نيك رضى به و ۳۰۸ سنه سنه عائد اولوب خارجاً و صلحاً استيفاسى حق ايدلمديكي وايكي عدد نيك اساساً مدعى عمومى معاونلكنده قيدلري بولنديني كبي اصحابي بالتحرى بولنه ماش وديكر قالان ايكي قطعه اعلامك چيقاريلان صورتلرينك اصحابندن مصارف محاكمه لرى آلنديني تبين ايتماش اولديغندن كرك ذمتته اموال ميرى كچوردكي و كرك اعلاماتك قصداً ضياعه اوغرا ديني اصولاً ثابت اوله ديفغندن بوجهتلردن برائنه و تحصيلدار عائداتى اولوب راپورده مقدارى محرر بشيوز طقسان غروش تحصيلدار آدم افندي نك افاده شفاهيه سنه مستند وبالحاكه حل ايديله جك مسائل عاديهدن بولنديغندن بوخصوص حقنده صاحبك محكمه عائد سنه مراجعتده مختاريتنه وبدایت مدعى عمومى سنه قارشو حقارت كيفيتي حقنده بدایه دعوى اقامه ايدلماش وماده مذيله معمله موجبنجه تعقيبات اجراسى دعواى شخصى اقامه سنه متوقف بولنش اولديغندن بو جهت حقنده دخى برشى دينله ميه جكنه اتفاقله و آنجق عفو قانوننك تاريخ نشردن مؤخر وتواريخ مختلفهده مقبوض اولان بشيوز اون درت غروش خدمه اجريله مضروب طودورى به عائد تحصيل ايلديكي بر عدد ليراي عثمانينك وقت وزمانيله ايجاب ايدنلره تسليم و ايراد قيد ايتك وظيفه مأموريتى اقتضاسندن ايكن تسليم واعطاده بلا سبب مقبول اهللى و تراخى ايلديكي كندوسنك قوميسيون مخصوصنك استيضاحنه قارشو مبالغ مذ كورنك نزدنده موقوف بولنديني طايماً سبق ايدن اقرارى ومخبرلرك على لدرجات اخباراتى ايله ثابت اولمش وحر كتيده معدل قانون جزانك مخفف اولان يوز ايكنجى ماده سنه موافق وماده مذ كوره ده مأمورين دولندن برى وظيفه مأموريتى ايفاده بلا سبب مقبول اهل و تراخى ايلرويا آمر نك احكام قانونيه به مستنداً اعطا ايلديكي اوامرى كذا بر كونا سبب مقبول اولمق سزین اجرا ايلز ايسه مأموريتك درجه سنه كوره اوچ ليرادن يوز ليرايه قدر جزای نقدی آنور واشبو اهل و تراخیدن ويا آمرك قانونه مستند اولان اوامرى عدم اجرادن دولتيجه بر مصرف حصوله ككش ايسه درجه سنه كوره بر هفته دن اوچ سنه به قدر حبس جزاسيله برابر مؤبدأ ويا موقه رتبه ومأموريتدن محروميت جزاسى دخى حكم اولنور وبوقعلن افرادجه بر كونا ضرر حاصل اولمش ايسه اوده باشقه جه تضمين ايتديريلير . ديه محرر بولنش اولديغندن ماده مذ كوره موجبنجه مومي اليه عثمان

افندي دن اوچ ليرا جزای نقدی اخذينه و نزدنده بولنديني آنف الذكر اعترافى تحتنده بولان بشيوز اون درت غروشله بر عدد ليرا جزای نقدينك كندوسندن بالتحصيل محل عائد سنه اعطاسنه وزيرده مفرداتى محرر اوچيوز اللى غروش مصارف محاكمه نك تحصيلنه اكثر يتله قابل اعتراض و تبين اوله رق غيباً ۱۶ شوال سنه ۳۲۹ و ۲۵ ايلول سنه ۳۲۷ تاريخنده قرار ويريله رك امر تفهيمى ماده قانونيه نك بعبارتها جانب رياستدن قرائيله اصولاً وعلناً ايفا قلندي .

محكمه تميز استيعا دائره سترى

محكمه تميز استيعا دائره سترى صادر اوله ۷ ميزانه سنه ۳۲۸ تاريخ و ۸۹۳ نومردى

اعلام صورتيه

« تحويرك بر كيمسك مأموريتنه قارشى ايقاع ايدلمش اولديني حالده مدعى عمومى لرك طوغريدن طوغرى به ايشى محكمه به سوقيه صلاحيتلري دركار اولديغه دائر »

مناستر ولايتى استيناف محكمه سى جزا دائره سندن ايكنجى دفعه تنظيم واعطا و ۲۵ ايلول سنه ۳۲۷ تاريخنده امر تفهيمى اجرا قلنان ۲۶ ايلول سنه ۳۲۷ تاريخ وبوز ايتش اوچ نومردى اعلامك تميز آنديقي طلبى حاوى محكمه مذ كوره مدعى عمومى لى جانبندن معطى استدا نامه ايله اوراق متفرعه سى باش مدعى عمومى لك مأموريت بهيه سندن باتبليغ نامه محكمه تميز استدا دائره سنه توديع اولنش ولدى التدقيق مذ كور استدا نامه نك مدت قانونيه سى ظرفده اعطا قلنديني اكلا شلمش اولديغندن بالقبول تدقيقات تميز به اجراسنه ابتدار ايدلدي .

اعلام مذ كورك خلاصه مالى وظيفه مأموريتى سوء استعمال ايلديكي واوراق رسميه يى ضياعه اوغرا ده رق اموال اميريدن اوچ بيك يوز اللى غروشى ذمتته كچوردكي ادعاسيله مظنون عليه اولان كوريجيه اجرا مأمور سابقى عثمان نورى افندي نك تحديد جزاسنه دائر بدایه لاحق اولان حكم عليهنده مظنون مومي اليه جانبندن اعطا قلنان استيناف استدا نامه نك مناستر استيناف محكمه سى هيئت عموميه سنه خطاب ايدلمش اولمسنه كوره ذكر اولنان استدا نامه اوزرينه ايجاب ايدن معامله ك هيئت مذ كوره جه ايفا اولنسى ايجاب ايدنه جكنه بناءً اوراقك استيناف مدعى عمومى لك كنه اعاده سنه دائر صادر اولان اعلامك عند التميز اسباب قانونيه دن طولايي نقض واعاده اولنسى اوزرينه بوكره اسباب نقضيه بالانباغ حكم ابتدائي مذ كورك فسخيله سبق ايدن تدقيقات نتيجه سنده مظنون مومي اليه كرك ذمتته مال كچوردكي و كرك اعلاماتى قصداً ضياعه اوغرا ديني اصولاً ثابت اوله ماديفغندن بحثله بوجهتلردن برائنه و تحصيلدار عائداتى مسئله سى بالحاكمه حل ايديله جك مسائل عاديهدن بولنديغندن بوندن دولايي صاحبك محكمه عائد سنه مراجعتده مختاريتنه وبدایت مدعى عمومى سنه قارشو

حقارت کيفی حقه اصولاً دعوی شخصی اقامه ایدله مش اولدیغندن بو جهت حقه دخی برشی دنیله مهیه جکته وانجق عفو قانونک تاریخ نشرندن مؤخر تواریخ مختلفه ده مقبوضی اولان بشیوز اون درت غروش خدمه اجریتله ضررب طودی به عائد اوله رق تحصیل ایدلیکی بر عدد لیرای عثمانی وقت وزمانیه ایجاب ایدلره تسلیم و ایراد قید ایتک وظیفه مأموریتی اقتضاسندن ایکن تسلیم واعطاده بلا سبب مقبول اهل و تراخی ایدلیکی ثابت اولدیغندن قانون جزانک یوز ایکنجی ماده قائمه سنه توفیقاً مومی الیه عثمان افندیکن اوچ لیرا جزای نقدی اخذینه و مذکور بشیوز اون درت غروشله بر عدد لیرا جزای نقدینک کندوسندن بالتحصیل محل عائدینه اعطاسنه قرار ویدلیکی متضمندر .

لایحه تمیزیه ده مظنون مومی الیهک عائدات تحصیلیه تی تحصیلداره اعطا ایتدیکی عندالحا که ثابت اولدینی تقدیرده اشبو فعل و حرکتی دخی مستلزم مجازات احوالندن اولمسیله بوباید تدقیقات لازمه اجرا اوله رق ثبوتی حالنده اجماع جرائم قاعده سنه توفیقاً تعیین جزاسی و عکسی حالده برائتیه قرار ویرلمسی ایجاب ایدرکن بو نقطه دن ذهول ایدلمسی و کوریجه مدعی عمومی معاونی نجباتی افندی طرفندن تحصیلدار عائداتی حقه ده مظنون مومی الیه عثمان افندی به اعطا ایدلیکی جوابده استعمال ایدلیکی تعبیراته مدعی عمومیلک مقامی تحقیر ایدلیکی ادعا قلنمش واشبو تحقیر فعلی معاون مومی الیهک ذاته عائد اولیوب مقام مأموریتیه عائد بولنمش اولسنه کوره بو باده تعقیب دعوانک شکایتنامه اعطاسنه تعلیقنه لزوم قانونی اولمادینی حالده شکایتنامه اعطا اولمقسزین بو جهت حقه برشی دنیله مهیه جکته قرار ویرلمسی و جریم قانون جزانک تعدیلندن مقدم ایقاع ایدلمش و یوز ایکنجی ماده اصلنک معدلندن ده خفیف جزایی شامل بولنمش ایکن معدلنه توفیقاً تعیین جزا ایدلمسی یولسز و مستلزم نقض اسباب قانونیه دن بولندیغندن بحثله اعلام اخیر استینافینک دخی نقضی طلب اولدینی کی تبلیغنامه ده دخی لایحه مذکوره ده درمیان اولنان اعتراضات مندرجات اعلامه نظراً وارد و بجا کوردلیکی بیانیله اعلام میز بهک نقضی لزومی کوسترلمشدر .

ایجابی لدی المذاکره مندرجات اعلامدن استنباط اولدینی وجهله مظنون عثمان نوری افندیکن اسباب محاکمه سی تشکیل ایدن حرکاتندن مدعی عمومی معاونی نجباتی افندی به قارشو وقوع بولان تحقیر فعلنک مومی الیهک اجرا ایدلیکی حکم مأموریتندن متولد اولدینی مرتبه ثبوتیه کورونمش و احوال نمائنده تعقیبات قانونیه اجرانک ادعای شخصی و قمعنه تعلیق اولمایوب فعل مذکورک مأموریتیه قارشو ایقاع ایدلمش اولمسی اعتباریه مدعی عمومیلرک طوغربدن طوغری به ایشی محکمه مه سوجه صلاحیتلری درکار بولنمش ایکن بو جهت حقه ده ادعای شخصی اقامه ایدله دیکندن بحثله برشی دنیله مهیه جکی یولنده وعدم صلاحیتی متضمن صورتده اتخاذ قرار اولمسی و مظنون مومی الیهک عائدات تحصیلیه دن ذمته پاره کچورمکدن عبارت و ثبوت صحیحی حالنده مستلزم جزا اولان دیگر فعلنک رؤیت و تدقیقی محاکم جزائییه عائد اولوب بو پاره نک تسلیم و تسلیمی حقه ده وقوع بولان ادعانک دخی معامله رسمیهیه اقترانی مقتضی بولنمش ایکن شوماده نک دخی مسائل عادیه دن

اولدینی بیانیله عدم صلاحیت قراریه نتیجه لندیرلمسی و علی الخصوص مظنون مومی الیه عطف و اسناد اولنان افعال و حرکاتک تاریخ وقوعی اعتباریه مخفف جزا اولان قانون جزانک یوز ایکنجی ماده سندن استفاده سی درکار ایکن بوراسیده نظر دفته المنقسزین ذکر اولنان ماده قانونیه نک معدلنه توفیق حکم ایدلمسی یولسز و مغایر اصول و قانون اولوب لایحه تمیزیه مؤداسی تبلیغنامه ده دخی مرقم اولدینی وجهله وارد و بجا کورونمش ایدوکنندن اصول محاکمات جزائییه قانونک اوچیوز اون دردنجی و اوچیوز اون طقوزنجی ماده لری منطوقجه اعلام استینافینک جهات ثلاثیه متعلق اولان فقرات حکمیه سنک اسباب محرره دن ناشی قضیه احکام قانونیه دائره سنده ایفای معامله اولمقی اوزره اوراق دعوانک محله اعاده سنه و ایکویز غروش اعلام خرجنک تعرفه و تعلیمات مخصوصه سی موجبجه ایلروده حقسنز حقیقه جق طرفدن استیفاسنه ۱۹ مایس سنه ۳۳۸ تاریخنده متفقاً قرار ویرلیدی .

فهرست کار و لایحه استیناف حکمیه سنده صادر اولان ۶ مهابط سنه ۳۳۷ تاریخلی اعلام صورتیه :

اینه کول قضاسنه تابع قوم غیر محصور عیسی ویران قریه سی اهالیسیله کذلک قوم غیر محصور بدره قریه سی اهالیسی بیننده متخدد حق مرور و احتطاب دعواسندن دولای قضاء مذکور بدایت محکمه سی حقوق قسمندن ۲ تشرین ثانی سنه ۳۳۱ تاریخی و یوز الی یدی عددی ایل ویریلوب ۱۴ تموز سنه ۳۳۷ تاریخنده تبلیغ اولنان اعلامک استینافاً تدقیقی طلبی و مذکور بدره قریه سی اهالیسنک وکیل عمومی دعوی وکیللرندن محمد مراد امضاسنی حاوی عرضحال واشبو دعوی استینافیه دن دولای کفیل ارانه اولنان بروسه ده قیغان چارشوسنده کراسته جی قره کین افندیکن کفالتی ناطق و بروسه مقاولات محررلکندن ۱۵ اغستوس سنه ۳۳۷ تاریخیه مصدق سند و اعلام مستأنف به ولایحه استینافیه صور لازمه ایله معاً تاریخ مذکورده خداوندکار ولایتی استیناف محکمه سی حقوق قسمنه اعطا و دفتر مخصوصک اوتوز یدنجی نومروسنه قید و املا اولندقدن صکره اجرای محاکمه ایچون باورته دعوتیه تعیین اولنان ۳۳۷ سنه سی تشرین اولک اون یدنجی کونی مستأنف بدره قریه سی قوم غیر محصور اهالیسنک له وعلینده اقامه اولنمش واوله جق دعاویدن دولای بالجله محاکم و مجالسده بدایه و استینافاً و تمیزاً و تصحیحاً واعاده محاکمه و محاصمه و تبلیغ و تبلیغه و کندو امضالیه استدعا ولوایح تقدیمه و خصوصات مذکوره نک متوقف اولدینی امورک کلیسی ایفایه و منفرداً و مجتمعاً ایفای و کالته مأذون اولق اوزره قریه مرقومه نک اهالی قوم غیر محصورینه اضافله مختاری حاجی عاشر اوغلی سلیمان طرفندن باسند مصدق توکیل اولنان بروسه دعوی وکیللرندن نظمی واینه کولده مقیم مدرس زاده اسماعیل زهدی افندیلرندن مومی الیه نظمی و مستأنف علیه عیسی ویران قریه سی قوم غیر محصور اهالیسی نامه قریه مرقومه مختاری اسماعیل اوغلی شا کر طرفندن اشبو دعوان دولای بدایه و استینافاً و تمیزاً و نقضاً و رداً و نقلاً محاکمه و محاصمه و تبلیغ و تبلیغه و هر نوع اوراق ولوایح

تنظيم و كندو امضاسيله تقديمه واهل خبره وخبير وحكم تعيين وعزلنه وقامه شهود واستماعنه واشهودعوانك متوقف اولديني امورك كليسي ايفايه مآذون اولق اوزره كذلك باسند مصدق توكل اولنان بروسه دعوى وكيلا نندن عثمان نوري افنديلر بالوكاله كليليه جهت تعلقنه مبنى تشكيل محاكم قانونيك آلتش بشنجى مادهسى موجبجه استيناف مدعى عمومى معاونى كنعان حاضر اولدينى حالده اجراى محاكمه عليه به مبادرت واول امرده استيناف عرضحالى ايله كفالت سندی مواجهه لرنده قرائت اولنهرق مدت وشرايط حقنده برديه چكى اولوب اولماديني صوريلان مستأنف عليهم وكيلى عثمان نوري افندي اعلام ابتدائيك ۱۳ تموز سنه ۳۲۷ تاريخنده مستأنفاره تبليغ واستيناف استدعاسنك ۱۵ اغستوس سنه ۳۲۷ تاريخنده محكمه به اعطا ومعامله قيديه سنك اجرا قلنش اولسنه نظراً استدعای مذکورك اصول محاكمه حقوقيه قانونى ذيلنده معين اوتوز كون مدتك مرورندن صكره ويرلديكى كى اصول محاكمه ماده مخصوصه سننده مندرج شرايط جمله سندن برى اولان اسباب استينافيه دى دخی جامع اولمدينى و بوندن بشقه كفالت سندنده مصارف سفریه دخی تأمین ایدلمه مش و بوده نواقصدن بولنش اولدينى جهته استيناف استدعاسنك ردینی طلب ایتسنه قارشو مستأنف وكيلى نظمی افندی محكمه تمیزك اجتہادی وجهله مدتك تعییننده تاریخ تبليغ ايله يوم اعطا داخل حساب ایدلمديكى تقدیرده استيناف استدعاسنك مدت قانونیه ظرفنده ويرلديكى واستدعاده اسباب فسخيۀ قانونیه دى حاوی لایحه مربوطاً تقدیم قلندينى محرر اولسنه مبنى آبروجه استدعاده ذكرينك ايجاب ایتیه چكى وكفالت سندنده محرر ضرر وزیان تعبيرينك مصارف سفریه نك تأمینى دخی تضمن ایتدیكى جهته اعتراض مسرودك ردیه شرايط نظامیه دى جامع بولنان استدعای مذکورك قبولی استدعا و عثمان نوري افنديده تاریخ تبليغ و يوم اعطا داخل حساب ایدله چككه دائر بر صراحت قانونیه اولماديني جهته مدت استينافك تعییننده بونك نظر اعتباره آله میه جغی و بوبابده انجمن عدليه قرارى دخی بولندينى افاده ولدی السؤل طرفین بونقطه ده بشقه برديه چكلى اولماديني انبیا و بوبابده مطالعه سی استفسار اولنان معاون مومى الیهده تاریخ تبليغ ايله يوم اعطا تاريخنه نظراً آرده اوتوز ايكي كون مدت مرور ایش وشو حالده استيناف استدعاسنك مدت قانونیه نك اقتضاسندن صكره ويرلديكى كلاسش اولمغله مدت حقنده نظمی بك طرفدن درمیان اولنان مدافعه وارد اولماديني كى لایحه استينافیه دى حاوی اولق اعتباریه استدعاده ذكرينك ايجاب ایتیه چككه و بوبابده محكمه تمیزك قرارى دخی بولنديغه وكفالت نامه ده ضرر وزیانك تأمینى مصارف سفریه نك دخی تأمین متضمن اولسنه مبنى مستأنف عليهم وكيلا نك بونجه نره متدائر ادعاسى دخی غير وارد اولدينى مطالعة بيان ایللری اوزرينه مذاكره اولنهرجى افهام اولندی .

اجبابى مذاكره اولندقده مستأنف بدره قریه سی اهالیسنك استيناف استدعاسنك مقرر ومعترف اولدينى وجهله اعلام ابتدائيك ۱۴ تموز سنه ۳۲۷ تاريخنده كندولرینه تبليغ واستيناف استدعاسنك ۱۵ اغستوس سنه ۳۲۷ تاريخنده محكمه به اعطا ومعامله قيديه سی ايفا قلندينى كلاسش سنه نظراً آرده

اوتوز اوج كون مدت مرور ایش واعلام مذکور اصول محاكمه حقوقيه قانونى ذيلنك مرعیتندن صكره تبليغ قلنش اولمسيله ذیل مذکورك قرق آلتنجى مادهسى دلالتیه بكرمى ايكنجى مادهسى موجبجه اوتوز كون مدته تابع اولوب استدعای مذکور ايسه مدت مذکور نك مرورندن صكره ويرلديكى تحقق ایش و بناءً عليه شرايط استينافيه نك تدقيقه حاجت كوريله مه مش اولديغندن استدعای مذکورك مدتك مرورینه بناءً ردینه وزيرده مفرداتی مرقم درتیوز اونبر غروش مصارف محاكمه نك مستأنف بدره قریه سی اهالیسنه طأدیتنه قابل تمیز اولق اوزره ۱۷ تشرین اول سنه ۳۲۷ تاريخنده و جاهاً ومتفقاً قرار ویرلهرك تقهیم قلندی دیو خداوندكار ولايتی استيناف حقوق محكمه سندن صادر اولان ۲۱ ربیع الاول سنه ۳۳۰ و ۲۶ شباط سنه ۳۲۷ تاریخ و قرق اوج نومرولى اعلامك صورتیدر .

محكمه تمیز حقوق در دیه مقررانی

محكمه تمیز حقوق در دیه مقررانی صادر اولان ۲۹ نیسانه سنه ۳۲۸ تاریخى اعلام صورتیدر .

« مدت استينافه مستأنف نفلرك اقامت ایلدكلى محل ايله استيناف محكمه سنك بولندينى محل بیننده كى بعد مسافه نظر دقته آلنهرق بهر آلتى ساعت ایچون قانوناً معين اولان اوتوز كونه بر كون ضم وعلاوه ایدلسى لزومنه دائر »

اینه كول قضاسنه تابع بدره قریه سی قوم غير محصور عیسی و برات قریه سی اهالیسی بیننده متكون دغرایه دائر خداوندكار ولايتی استيناف محكمه سندن ویرلوب منبور بدره قریه سی هیئت اختیاریه سی طرفندن نیزاً تدقیق استدعایان ۲۶ شباط سنه ۳۲۷ تاریخ و ۴۳ عددلى اعلام باش مدعى عمومى لك مأموریت علیه سنك مطالعه نامه سی و طرفینك اعتراض وجواب لایحه لرله بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً قریتین مذکورترین بیننده متحدث حق مرورواحتطاب دعواسى حقنده اینه كول قضاسى بدایت محكمه سندن صادر اولان اعلام بدره قریه سی اهالیسی طرفلرندن استيناف ایدلمش ايسه اعلام ابتدائيك ۱۴ تموز سنه ۳۲۷ تاريخنده مستدعیاره تبليغی اجرا واستيناف استدعاسنك دخی ۱۵ اغستوس منه تاريخنده محكمه به اعطا ومعامله قيديه سی ايفا اولنسنه وشو ايكي آرهنده گذران ایدن مدته نظراً اصول محاكمه حقوقيه قانونى ذيلنده محرر مدت استيناف اولان اوتوز كونك مرورندن صكره استيناف استدعاسى اعطا قلندينى تحقق ایش و بناءً عليه شرايط استينافيه نك تدقيقه حاجت كوريله مه مش استيناف استدعاسنك مدتك مرورینه بناءً ردینه قرار ویرلديكى آ كلاسش مشدر .

تمیز مستدعیلری طرفندن ویریلان لایحه مالی : يوم تبليغ واعطادن برينك مدت حسابنده داخل اولمى لابد اولدينى بی ذیل مذکورده مسطور مسافه حسابى دخی نظر اعتباره آلتق لازمكولر كن بونار نظر

اعتبار آئینه رق مدتی ظرفیت ویریلن استیناف استدعایه سنک ردینه قرار ویرلسی ، مغایر قانون اولدیغندن
وجواب لایحه سنده دخی مسافه داخل حساب اولسه دخی مدتک مرورندن صکره ویریلن استدعایه تأثیر
بخش اوله میه جفته مبنی اعتراضات مسروده نك ردیله اعلام استینافی مذکورک تصدیق طلبندن وسالف الیان
مطالعه نامه مفادی ده مستدعیلرک بولندقلری محل ایله استیناف محکمه سی آره سنده کی مسافه نك داخل حساب
ایدلمه سی مخالف قانون اولدینی بیاندن عبارت بولمشدر .

ایجابی مذاکره اولندقدده : محکمه مذکورده چه هر نه قدر استدعای مزبور مدتک مرورندن صکره
ویرلدیکی بیانیله رد ایدلمش ایسه ده مستأفراک اقامت ایلدکاری محل ایله استیناف محکمه سنک بولندینی
محل بیننده کی بعد مسافه نظر دفته آئنه رق بهر آتی ساعت ایچون قانوناً معین اولان اوتوز کونه
برکون ضم وعلاوه ایدلمی ذیل قانونک یکرمی ایکنجی ماده سی ایجابندن بولندینی حالده استیناف محکمه سنجه
بوجهتک نظر دفته آئینه رق قرار مزبورک برمنوال محرر اتخاذ قلمسی یولسزوماده مذکورده کی صراحت
مغایر بولنش اولدیغندن اصول محاکمه حقوقیه قانوننک ایکویوز اوتوز ایکنجی ماده موجبجه اعلام مذکورک
نقصیه ایکویوز قرق دردنجی ماده سی حکمنه توفیقاً کیفیتک یکیدن بالرؤیه اعلامه رابطی ضمننده محکمه مذکورده
اعاده سنه وزیرده مفرداتی کوسستریان مصارفک ده ایلروده حقسز چیه جق طرفه عائد اولسنه ۲۹ نیشان
سنه ۳۲۸ تاریخنده متفقاً قرار ویرلدی .



قانون اساسی

آلمان فلسفه جزایه سنندن

سیاست جنائیه نك اساسلری

جزایوندن فون لیستك مطالعه سی

هر حق انسان ایچون وجود بولمشدر . بونک غایه سی منافع انسانیه نك مدافعه سیدر . منافعك مدافعه سی
حقك روحیدر ؛ قوه محصله سی ایسه بوغایه واصل اولمق فکریدر .

حق ایله مدافعه اولنان منافع ، منافع حقوقیه ، ملکیت حقوقیه تسمیه ایدرز . شو حالده منافع حقوقیه
حق ایله مدافعه اولنان منافع دیمکدر . کرک شخصه کرک هیئت اجتماعییه عائد اولسون بالجله منافع حقوقیه
منافع حیاتییه در . منفعتی تعیین و تقرر ایدن شی آهنگ حقوقی دکل بلکه حیاتیادر . لیکن حقك مدافعه سی
منفعت حیاتییه ، منفعت حقوقیه یه قلب ایدر . حریت شخصیه ، اقامتکاهک تعرضدن مصونیتی ، مکاتبتک
محفوظیت محرمیتی کی حقوق شخصیه حق تألیف وحق اختراع درجه سننده مأمورین حکومتک تجاوزات
شخصیه سنه قارشى قانون اساسینک متذیله ویا تعرض اشخاصه قارشى قانون جزانک احکامیه حمایه ایدلمزدن اول
اشخاصک منافع حیاتییه سنندن ایدی . مدافعه یی لزوم وضرورت تقرر ایدر وتنوع منافع درجه سننده منافع
حقوقیه نك کیفیت وطبیعتی ، دخی تنوع ایلر .

منافع حیاتییه اشخاص بیننده ویا اشخاص ایله دولت وجعیت آره سننده مقتضای حیات اوله رق وجود
بولان مناسبات وروابطدن تولد ایدر . هر نروده که حیات موجوددر ؛ اوراده سرستجه نشوونما بولمق ،
بلامانع انکشاف ایتک ایچون جدال ایدن برقوت موجود دیمکدر . ارادات افرادک ساحه جدال و مبارزه سی
ناقابل تعداد و تعیین واقعدن یکدیگره تماس و تداخل ایدر . بومناسبات وروابط حیاتییه دن بر شخصک فعل
واهمالندن دیگر بر شخصک استحصال ایده بیله چکی منافع تولد ایلر . بوفعل واهمال بالذات کندی فعل وحرکتی
ایچون حائر اولدینی اهمیته کوره تقدیر اولنور . بر مستأجر کندیسنه ایجار ایدیلان بر آپارتمانک ذی الیدی
اولمق ایستر ؛ بر داین مدیونه تأدییه ایتدیکی مبالغک استیفا سی طلب ایلر ؛ هیچ بر کیسه بکا تعرضه صاحب
حق دکدر وسعی و عملله اکتساب ایتدیکم شیئه ایراث خسار ایتکه صالح اوله ماز ؛ هیچ بر کیسه بنم حسن
صیت و شهرتمه ایراث خلل ایتکه حقلی دکدر ؛ دولت ویرکو و خدمت عسکریه طلب ایدر ؛ افراد کرک
قولاً و کرک تحریراً سرستجه تعاطی افکار ایتک حریتی ایستر بوعناصر بیننده جدالدن توقی ایچون تأمین صالح

وسكون ايدمك بر نظام، دوائر حرکت ايجون بر حد احداث اتمك؛ شوبله بر منفعتك حمايه سنی وشوبله بر نوعك رد ودفعنی تأمين اتمك ضروری اولور .

اراده اشخاصه فائق اولان اراده عامه بووظیفه يی در عهده ایدر منافع مشروعه ايله منافع غیر مشروعه يی تفريق ایدرك بونی بر آهنگ حقوق دائره سنده حل وحسم ایلر .

آهنگ حقوقی دائره افعالی تحدید ایدر . اراده نك نه درجه يه قدر حریتله حرکت ایدم بيله جكنی وبالخاصه ايجاباً و سلباً نه درجه يه قدر اراده غيرك دائره حرکانه تداخل ايله بيله جكنی قرارلاشدیرر ؛ حریتی ، امکان آمالی تأمين ؛ افعال کیفیه يی منع ایلر ؛ بو واسطه ايله روابط حیاتیه روابط حقوقیه ومنافع حیاتیه ملکیت حقوقیه منقلب اولور . حقوق ووظائفی قواعد معینیه ربط ایدرك حیاته موجود اولان حال وموقعدن اونك اوامری ویا نواهیسی ايله احوال معینده اجرا وعدم اجرا یولنده کی وصایایله آهنگ حقوقینك وضع وتدوین ایتدیکی احکام ملکیت حقوقیه نك بر حصن حصینی اولور . آهنگ حقوقینك منافع حیاتیه تأمين ایلدیکی حمايه بوا حکام واسطه سيله واقع اولان حمايه در . ملکیت حقوقیه واحکام حقوقك ایکی مبنای اساسی سیدر .

— لکن حقوق بالکمز صالح ومسالمك وجوده کتیردیکی بر اثر دکل بلکه وحتى طبیعت اصلیه سی اعتباریله نزاع وجدالك دخی بر اثریدر . تعقیب ایتدیکی غایه يه وصول ايجون اراده اشخاصك مقاومتی کسر ایدمك ا کابر قوت لازمدر . ایشته بونك ايجون روابط حیاتیه نك تشکل مسالمتکاریسی آرقه سنده حکومتك قدرتی یو کسه لیر . وضع ایتدیکی احکامه اطاعت تحمیل اتمك ولدی الحاجه فعل ايله اونك نتایج حقوقیه سنك روابط منطقیه سنه بر قدرت بارزه ویرمك ايجون کافی مرتبه حائر قوادیر . بوبله جه حقوق فکری ايجنده یکی بر عنصر تجلی ایدرك اوده قوتدر . بوبزه باشلیجه اوج شکله کورونور .

۱ احکامك جبراً اجراسی .

۲ مختل اولان انظامك تأسیسی .

۳ عدم اطاعتك مواخذہ سی .

تشکلات حقوقیه نك الك قوی تأمیناته یعنی احکام دولته مخالفت جرمك مرتبلینك جزاسی بجه کله بونك نه وقت ونه کبی احوالده مداخله ایدمك ایلروده تدقیق ایدمك . شمديک بجه منظمه حقوقیه ايجنده جزانك وضع وموقی وبوصورثله حقوق جزائیة نك معنای خاصیدر .

مطلقیتی اعتباریله حقوق ، منافع حیاتیة انسانیه نك مدافعه سی وظیفه عمومیه سنی حائر اولدینی کبی حقوق جزائیة دخی صورت مخصوصده حمايه مستحق وبر حمايه خصوصیه محتاج منافع مؤیدمك مدافعه سی وظیفه خصوصیه سنی حائر اوله بر مدافعه که کرک تهدید وتهدیش ايله وکرک مجرم حقه اذبار ومصیبتی تضمن ایدن اجرای جزا ايله جریان ایدر .

تهدید جزا ، هم برواسطه تحفظ وصیانت هم برواسطه تهدید مصیبت اولمق اوزره آهنگ حقوقینك اوامر ونواهیسنه التحاق ایدر . تهدید جزا بوا مره مخالف حرکاتك بر تقيیح علنیسی ، حقوقی واجتماعی خوشنودسنلنك بر تظاهر صریحی اولدینی ايجون منقاد حقوق اولان افراده دولتك اوامرینه عطف ایتدیکی اهمیت وقیمتی الك مبرم بر صورتده اظهار ایدر . دها غلیظ طبیعتلر ايجون مغایر حقوق حرکتلرینك نتیجه سی اولمق اوزره اذبار ومصیبتی ادراك ایتدیرر وبودرك وتیقن اولنك تمایلات جنائیة سنه قارشی بر موازنه خدمتی کورر . کرک بو وکرک دیگر معنا اعتباریله تهدید جزا حقوقه تابع افرادك هیئت کلیه سنه موجهدر . ایشته بو ، تحفظ عمومیدر .

لکن اصل مبحث تنفیذده تحمیل جزا صورتیله آهنگ حقوقینك محفوظیت اراده سنده در که جزا کندیسنه خاص اولان بتون قوایی تجلی ایتدیرر .

۱ . بر طرفدن احساس ایتدیکی دهشت واسطه سيله تمایلات جنائیة یی ضبط وتوقیف ایدمك وتقییحات مؤیده ومؤکده ايله دولتی تشکیل ایدن افرادك فکر نظام ومشروعیتی تأمين وتحکیم ایلیرك تبعه حقوقیه نك هیئت کلیه سی اوزرینه جریان ایدرك بو ، تحفظ عمومی در .

ب . علینیه توجیه اولنان مغایر حقوق حرکاتك جزاسی قالمدیغی کورمکدن حاصل اولان خوشنودی صورتیله اصل متضرر اولان شخص اوزرینه ایراث تأثیرات ایدر .

ت . صورت مخصوصده بالذات مجرم اوزرینه ایراث تأثیرات ایدرك بو ، تحفظ خصوصی در و جانی اوزرنده حصولی منتظر تأثیر بالنفس جزانك طبیعت ومدتنه کوره تخاف ایدر .

۱ — جزا بونقطه نظر دن بر جانی جمعیك عضو مفیدی حاله قلب اتمک صالح وبلیدر (تمثیل صنعی) جانیی حال موازننده طومغه خاص اولان عناصر تزلزل ایتدیکی وقت بو عناصری تحکیم ایدرك ویا خود آنی قلب وتحویل ایدم بیلیمك ايجون جانینك سجه سی اوزرینه ایراث تأثیرات ایلیرك آنی اصلاح ایدم بیلیملیر جزادن مقصود اولان تأثیره کوره تخویف ايله اصلاحی یکدیگرندن تفريق اتمك اقتضا ایدر .

۲ — دیگر طرفدن جزا هیئت اجتماعیه غیر مفید حاله کیش اولان مجرمدن جنایات سائرہ ایقاعی قابیلی قطعاً ویا موقه سلب وازالیه وآنك جمعیتدن روابطی قطع ایلکه دخی صالح اولمیدر . (اصطفای صنعی) بوصورت جانیی اضرار ایدم بیلیمك حالندن خارج طومقدر .

جزانك هانکی بر تأثیری مقصود اولدیغنه کوره لدی الحاجه جزانك اجراسی صور مختلفده تظاهر ایدر . بالخاصه جانی اوزرنده مطلوب اولان تأثیردر (تحفظ خصوصی) که جزانك طبیعت وماهیتی تعیین ایلر . سیاست جنائیة تطبیقات وتصرفات جزائیة نك مقصوده تام موافق برواسطه اولمق اوزره قابل اولدینی قدر الك زیاده فائده بخش اولانك ومقتضیات واحتیاجات شخصیه الك زیاده توافق ایدمك قبولی اقتضا ایتدیرر نه کبی افعالك جنایت عد ایدمك لازم کله جکینک تعیین وتقریرنده اولدینی درجه ده بوافعاله نه کبی جزا تعیین

اولنق لازم کله جککنک تعیین و تقریرنده دخی تشریعات جزائییه نك میلان عمومیسى كرك تهديد و تهديش و كرك مجرمك دوچار اولدینی جزانك اجراسندن عبارت اولان تأثیراتی یعنی تحفظ عمومی و خصوصى فكرى نظرندن غائب ایدنه من و ایتمه ملیدر .

مع هذا بتون اشكاليله و كندیسه خاص اولان طبیعتنه رغماً حقوق جزائییه بر حق یعنی بر حیاة منفعتدر . حقوقك شعبات مختلفه سنه عائد اوله بیان منافع محیه نك طبیعتی دكل بلدك بالذات حمایه نك طبیعتیدر كه حقوق جزانك روحنی تشكیل ایدر . حقوق عائله حق ملكیت حق حیات حق حاکمیت حقوق افراد منافع اداره ملكیه ، منافع اشتراك ، ناموس نسا ، امنیت طرق بلا استثناء بتون بو مختلف منافع جزادن متحصل حمایه مؤبدنه دن مستفید اوله بیلور . حقوق جزائییه بالجملة شعبات حقوقیه كه كرك متمم و كرك عنصر سكون و امنیت اوله رق مداخله ایدر كه بو (حقوق جزائییه احكامنك طبیعت نالیه و متممه سی) در .

منایك علل رانواعی

جزا آهنگ حقوقك جنایتیه قارشى مبارز بر سلاح اوله رق فائده سی محسوس بر صورتده استعمال ایدله بیلیمسی افعال جنائییه نك كرك اسباب مادیه و خارجییه سی و كرك افعالن استنتاج اولنان علل باطنیه سی بر تحلیل فی ایله تدقیق ایدله كسزین ممكن دكلدر حكمی و فنی اولان بو تحلیل علمنه بو نظریه جنایتیه ، علم جنایت تسمیه اولنه بیلور .

بوندن بشقه علم جنایتیه حكمت جنائییه اولق اوزره علم حیات ، علم البشر جنائی ، علم اجتماع جنائی بی نظر دفته آلق لازم كلیر . برنجیمی جنایتی شخصك حیاتنده بر حادنه اولق اوزره تصویر و تشكلات و شرائط شخصیه سنده جنایتیه تمایلی تدقیق ایدر و تشریح و علم منافع الاعضای جنائیدن عبارت اولان علم مبحث البدن ایله علم روح جنائییه انقسام ایدر . بالعكس جنایتی حیات اجتماعیه نك بر حادنه سی اولق اوزره تصویر و بو حیات اجتماعیه ایچنده انك صورت تشكلی و اساس اجتماعیه سی تدقیق و تحلیل ایلک وظیفه سی علم اجتماع جنائییه تعلق ایدر .

شوراسنی نظر دقتدن دور ایتمه ملیدر كه بونلرده بالذات موضوع تدقیق تخلف ایتز عینی اوله رق قایلر تخلف ایدن شی انجق اصول تدقیق و تحلیلدر . بری جرم شخصینك بر اصول مطردله مشاهده سندن دیکری جرم کلینك (ایستاتستیک) بر اصول مطردله مشاهده سندن تدقیق و تحلیلله باشلار . زیرا جنایت اجتماعی - مرضی بر حادنه اولق ایله برابر بر طاقم جنایات خصوصیه دن تركب ایدر . و بونلردن هر بریمی بر حادنه اجتماعیه نك جزئی در . مع هذا شوراسنی ده اونو تماملیدر كه انجق بو ایکی اصولك اتحادی سایه سنده یعنی برینك اقترن ایتدیكى نتیجه دیکری طرفدن متقابلاً تدقیق و اكمال اولونق صورتیه در كه جنایتك معرفت نامه سنه وصول ممكن اولور .

تفكر و ملاحظه بزه افهام ایدر كه هر جنایت خصوصیه ایکی نوع شرائطك حرکت مشتركه سندن تولد ایدر . بونلردن بر قسمی جانینك طبیعت خاصه شخصیه سندن و دیکر قسمی اونى محیط اولان طبیعی و اجتماعی و بالخاصه اقتصادی احوال و شرائط خارجییه دن منبعثدر .

بوايكي نوعك يكديكرینه نسبتیه در كه جنایتك حدوث و ماهیتی تحول ایلر شو حادله باشلیجه ایکی سلسله بك واضح صورتده يكديكرندن تفريق اولنور .

۱ الحات خارجییه هر شیئه تقدماً حاکمدر . آنی نفسانی بر احتراض ایچنده و یا بر احتیاج مبرمك سوق و الجاسیه او وقته قدر آزاده معایب اولان مجرم جنایتیه سوق ایدلمش اولور كه بوجرم طبیعت ثابته و اصلیه سنه بانیجی اوله رق حیاتنده بر ندامت بر ماجرای منفرد حالنده قایلر . (بو نوع جنایتیه آنی جنایت ، تصادفی جنایت - جنایت حاده دنیلمشدر)

۲ اهمیتسز بر سوق خارجی ایله جنایت مجرمك شخصیت اساسیه سندن ، صورت عمیقده كوكشمش استعداد و میلان مخصوصندن نشأت ایدره ك اصل شخص حقیقی بی ، شخصك صمیم حالی میدان چیقاریر . غلظت و حشیانه ، هر درلو حسدن عاری بر غدارلق ، محدودیت فكر ایله مترافق بر تعصب ، مجنونانه بر خفیف مشربلك ، نا قابل صلاح بر عطالت ، سقوط جنسی روخنه بر شبهه بيله طویقمسزین متعدد و مختلف قدملره اونى كریوه جنایتیه قدر كوتوریر . بتون بو احوالی (جرائم اعتیادیه) نامی تختنده تصنیف و ادراك ممكن دكلدر . ده طوغری بر تعبیر اوله رق « جرائم فطریه » استعمال اولنور (انسانك سجیه سندن نشأت ایدن جرائم ، میلانی جرائم ، جرائم مزمنه) بو میانده دخی قابل صلاح اولانلره اولمیانلری تفريق ایتلیدر . شمیدییه قدر سویلدر كریمزدن استنتاج اولنور كه جنایتك محض علم حیات نقطه نظرندن تلقیسی یعنی جانینك منحصر آ شخصیت متشكله طبیعیه و مغزیه سندن نشأت ایتسی فكری خطادر . و اسباب سائر ایله برابر بوندن استنتاج اولنور كه اجناس بشر ایچنده بر سیاقده بر شكل جنایت بولق ممكن دكلدر . شمیدییه قدر جریان ایدن تدقیقات و تجارب فیه فطری جانیلر میاننده دخی اشكال متعدده تصادف ایتش و بونلرك بر شكل منفردینی كوستره جك نتیجه به دسترس اولما مشدر . بویه جه لومبروزو ایله طرفدارلربنك مسلك علمیه سی منهدم اولور .

۴ لکن عوامل اجتماعیه نك تأثیرى مجرمك اجرای فعل زمانسنده تولدندنبی كندیسنی محیط اولان شرائط خارجییه ایله انكشاف و تقرر ایدن تمایلات طبیعیه سیله حرکت ایتدیكى وقت حقیقی كورونور . بو صورتده تجربه سز بر كننجك روخنه مكمون اولان تمایلات جنائییه اوزرینه عوامل اجتماعیه فی الواقع محدود اولقله برابر تأثیرى حائر اولور . (تربیه اخلاقیه ، فكریه و بالخاصه جسمانیه واسطه سیله) . بوندن بشقه لسان شعر وادیده مبالغه ایله موضوع بحث اولوب هنوز فناً ایضاح ایدله مش اولان توارث اجداد و انتقامی اولاددن آنان كباثر آباء مسلك علمیه سی دخی ده ای بر استقباله طوغری عطف انظار اید ایتمك كمزیه مساعد اولور .

کنندیلرینی احاطه ایدن احوال اجتماعیله ايله قوه زندگانی و خاصه ولادیلری توکهن آبا وامهات وقتا که اولادینه بر مادونیت روح مرض آلود میراث منفورینی ترک ایدر ، مبارزه حیاته دوچار ضعف اولمش بر قوه مقاومت براقیر ؛ فنا قانع اوله بیلیرز که بتون سیاست اجتماعیله مزك جرائمه قارشى اتخاذ ایده چکی تداییر شدتله بو اولاد و اخفادك لهنه حرکت ایتیلیدر . سیاست اجتماعیله جنایاته قارشى ؛ اتخار کبی افنای اولاد کبی بتون سائر حادثات مرضیه اجتماعیله کبی انسال متوالیه نك وجوده کتیردیکی شرائط اجتماعیله ایچنده درین کوکلیرى حامل اولان جنایاته قارشى آلت حرب و جدال اولمق اوزره جزادن و بوکا مائل تداییردن چوق زیاده بیوک و امین صورته حرکت ایتیلیدر .

سیاست جنایه نك ضروریاتی

سیاست اجتماعیله نك غایه سی جنایتك شرائط اجتماعیله سی رفع و ازاله و یا هیچ اولمز سه تخفیفدن عبارت اولدینی حالده سیاست جنایه بالخاصه جانیلرله اشتغال ایدر . بو ، صورت عمومیه ده جزانك بر جزای مفید اولمسیله برابر کیفیت و کیمه جانینك طبیعت اساسیه سیله هم اهنك اولمسی استلزام ایدر . نائل اولدینی نعم حقوقیه دن برینه ؛ حیاته ، جسمه ، حریت شرفه و ثروت تعرض تهدیدیه اتیا جنایات سائر ایقاعی منع ایتك ایستر . بو ضرورت قوانین مرعیه و جاریه نك مناسب صورته تنقید و تحلیل نه مرتبه قدر موثر اوله جفتك تقدیرینه و دیگر طرفدن ادوار انیه نك تشریعات جزائیله سی ایچون غایت اساسی پروگراملر تنظیمنه نقطه حرکت اولور . سهولته اکلاییلر که حقوق جزائیله مرعیه نك تحلیل تنقیدی مقصود اولان غایه یی استحصاله صالح اولدینی نتیجه سنه واصل اولمشدر . اصلاحات و تعدیلات فکری نك مبادیسی تشکیل ایده چک تاریخ اجتهادات جزائیله حاضر مزه تماماً حاکم اولان قصیر المده حبس جزاسنه قارشى مجادله در که بو کون تطبیق اولدینی شکل ايله محکومی نه اصلاح ، نه ترهیب ایتکله برابر غیر قابل تجاوز قلیمق شویله طورسون شا کرد معصوم جنایتی ، جنایتك طریق قطعیه سنه سوق ایتکده در . بناء علیه اقتضا ایدر که قصیر المده جزالر برینه ده مؤثر تداییر اقامه ایتلی (حبس خانه ده اقامه محکوم ایدلکسزین جبراً چالیدریمق ، تکدیر و توبیخ ، میخانه لره دوامی منع ، اقامتگاهده توقیف ، تأدیب جسمانی کبی) و یا مجازاتی تشدید ایدر که اوکا ده زیاده اقتدار ترهیبی بخش ایلیدر . تکلیف اولان تداییر قطعیه نك سلسله مدیده سندن بوراده مختصراً یالکیز اک مهملردن بحث ایده بیلیرز .

۱ تشریعات حاضر مزه واسطه مبارزه اولمق اوزره جزایی مبدولاً استعمال ایدر . اهمیتسز جرائمده صلح و حکم اصولنك تأسیسی موافق اولوب اولیه جنی جای بحثدر . حقوق شخصیه مسائلنده مجازات تقدیه نك ده و اسع بر صورته استعمالی (ایمراتورلق قانون مدینسنك ۸۴۷ نجی ماده سنه مراجعت) بر چوق شکایاتی بیسزوم قیله جق ؛ حکملر حضورنده اصول تضمینات بر چوق محکومیتلرک اوکئی اله جقدر . و هر حالده قباحتری جرم دائره سندن خارج طوتمق بالخاصه حائز اهمیتدر .

۲ صورت مخصوصه ده نظر دفته آلمغه شایان احوالده تصادفاً ایقاع جنسایت ایتمش اولانلر تقییح و مؤاخذه دن مصون افسال جیلرله جزای محکوم بهک اجراسنی کندیلرندن تبعید ایده بیلیمیلیدر . بو ، بالكفاله و یا بلا کفاله محکومیت مقیده در که جرمانیا حقوق قدیمه سی تلقیاته تماماً موافق اولوب مدت مدیده دندنبری انکیز - آمریقان قواعد تشریعه سنده موجود اولمسی شویله طورسون بلجیقا فرانسه لوکسنبورغ پورتکیز نورچ واسویجره نك مختلف نواحیسی سلسله تشریعاتنه داخل اولمش ودها پک چوق یرلرده نظر دفته آلمشدر .

۳ کنج جانیلر ایچون حبس خانه لر برینه ممکن اولدینی قدر مدید تداییر اصلاحیه اؤمه ایتیلیدر . ایدمی بونك ایچون جزاده سن رشدی اون درت یاشنی اکیله قدر وارد یرملی ، خیر و شری تمیز و تفریق مسئله سنی اورته دن قالدیرملی ، تداییر حقوقیه واسطه سیله تربیه تحفظیه و مانع یی تنظیم ایتلی ، بو تداییری تهذیب و تربیه دن محروم و متروک قالمش اولانلر اشمیل ایلیدر . بو مقتضیات ضروریه دن صو کونجیسی ایمراتورلق قانون مدینسنه مدخل اولان قانونك ۱۳۵ نجی ماده سی نتیجه سی اوله رق بتون المانیا حکومات متحده سنجه تطبیق و ایفا اولمغه باشلانمشدر بالخاصه بونلرک اک مهمی پروسیانك ۲ تموز ۱۹۰۰ تاریخلی قانونیدر .

۴ کرک قوانین و کرک اجتهادات محاکم شیمدییه قدر اهمیت و یرمدیکی برشیتی نظر دفته المیدر که اوده جانییه خاص اولان طبیعتدر (فعلی انتاج ایدن اسباب دکل) تصادفاً ایقاع جنایت ایدنلر ایچون دولتک وضع ایتدیکی اوامرو نواهنیک تضمن ایتدیکی شدائد تعذیباتی وجدانه عرض و نقش ایتک کفایت ایدر (تهدید و تخویف) قتل مسئله لرنده اعدام جزاسنك تهدید مطابق تماماً یا کیشدر . قصیر المده حبس جزالرینك تشدید ایه صعب الاتقحام مشکلات تطبیقییه متصاددر . بالعکس مجازات تقدیه نك ده اشملولی صورته تطبیق هله بو نقطه ده محکومک موقع ثروتیه متناسب اولور و بونك حبس جزاسنه تحویلی ممکن اولدینی قدر منع ایدیلر ایه ده ا این بر نتیجه و عدایدر .

۵ جانینك فعلی کوکشمش بر تمایل جنائی اظهار ایدر سه (جنایت فطریه) آهنك حقوقی تأمین ایچون جانیی غیر قابل تجاوز بر حاله قویملیدر . بو وظیفه جانی مجنونك دارالشفاده تدایوسی کبی تام الشعور اولان جانیلرک دخی تدایوسی معناسنی تضمن ایدر . واقعاً بو مسئله ده جانینك درجات متعدد جزادن امراری کیفیتنده بر صعوبت مخصوصه ده کورولور . فقط « مسئولیت متخففه » موضوع بحث اولدینی وقت ده خفیف جزا استعمال اولنه بیلیر و دارالحفاظدن تخلیه سبیلی اجرا قلنان جانیی بر دارالصناعه خصوصیه ده و یا دارالصناعه نك بر شعبه سنده اقامه مجبور طوته رق اونى غیر قابل تجاوز قلیمق اساسی محفوظ اولور . بو باده جنایتك تعدد و تکررینه احتیاج یوقدر پیش عدالته سوق اولان ایلک جنایتدن کوکشمش تمایل جنائی بلاتردد کشف اوله بیلیر .

۶ فعل هنوز کوکشمه مش فقط انکشاف ایتکده بولمش اولان بر تمایل جنائی انارینی اظهار ایدر سه

(طریق تظاهرده بولنان جنایت ولادیه) بواسطه تعداد جنائی بی مدید و شدید بر جزا ایله استیصال و احیایه تثبیت ایتلیدر. بویله بر حرکتک موفیقی باخصوص هنوز کنج اولان جانیلر اوزرنده امکانشز دکدر.

۷ عدالت جزائییه ایله جزائی تنفیذه مأمور اولان اداره بینه قطعی بر موافقت تشکیلات موفقیته جزائییه نك شرائط مطلقه سندنذر. بوفکرک صورت تطبیقهده هنوز افکار وارا متخالفدر.

حکمتک حد اصغر واعظم اره سنده تعیین ایدلمش بر جزای محدود و قطعی بی افاده ایتوب بالاخره جانینک طبیعت و سببیه سینه کوره تعیین و تحدید ایدلمشی (محکومیت غیر معینه) عزیمتکار مخالفله تصادف ایتدیکی قدر قوی و متین مدافع بولمشدر. امریقا جاهیلر متفه سنده (المیراوساثره) شمیدین موفقیته ادخال ایدیلان بوصورت تأسیسک طرافدارلری بر نقطهده اختلاف ایتکده درلرکه اوده بولردن بر قسمی (فان حامل) قرار قطعی بی بر حکم جزائی اخیره موقوف بولوندر بر مق و دیگر قسمی (فون لیست) بوصلاحیتی بر دائره مخصوصیه (جزانک تنفیذ و اجراسنه مأمور اولان دائره) تودیع ایتکک رأینده بولونملریدر. محکومیت غیر معینه نك تطبیق اولونمش لازم اولان افعاله دخی اتفاق افکار یوقدر. بالعکس بتون تنفیذ جزا و بالخاصه حریت شخصیه دن محرومیت جزا لرینک اجراسی قوانین و اعلامات ایله تعیین ایدلمش بر ضایه سیاست خدمت ایتکک لازم کله جکی وقوه تشریعیه اجرائیه واسطه مجازات ایله تهذیب و اصلاحی اصولدن تقریقی نتایج مؤسسه بی متضمن اغیر بر خطا اولدینی بوکون غیر قابل اعتراضدر.

۸ جنایتیه قارشى مبارزه صحیحه اقتضا ایتدیررکه حقوق جزائییه نك تطبیقه اشتراک ایدن بالجمله اشخاص ایچون بر مسلک تأسیس ایدلمش اولسون. بالخاصه بواشخص عالم جنائینک حیات و فعالیتنه بالجمله اشکالیه برابر تماس ایدن هر شینه کمالیه کسب و قوف و معرفت ایده بیلیمک اقتدارینی حازر اولملیدر.

بر جزای مفیدک نتیجه لی صورتده تطبیق ایچون بوندن مقصود اولان غایه نك ذات و نفس سندن بر طاقم تحدیدات مهمه تولد ایدر.

۱ منافع عمومیه حمایه ایدلمش اولقسزین حریت شخصیه فدا ایدلمه ملیدر. بوحمایه نك تعیین حدودنده بعض مرتبه اختلاف اولمقله برابر وظیفه دولت و حقوق اوزرینه قرون مختلفهده جاری افکار کوره حکومت قانونیهده جزانک تطبیق فاعل جرمک معین و قانون ایله محدود و مقرر بر فعل ایله سوء نیتی ثابت اولمقله مشروع اولماسیدر.

۲ قوانین امتلر عندنده موجود اولان تلقیات حقوقیه بی (عنعناتله قیسیج عد اولنان افعالی) بر عامل مؤثر و قیمتدار اولق اوزره نظر دفته المیدر (مهرکل) بو عنعناتله بردن قطع علاقه ایلکدن صاقینملى فقط امتلرک تلقیات حقوقیه سنی یواش یواش تهذیب ایتکک لازم کله جکینی ده اونومه ملیدر.

۳ جانی اوزرنده جزانک تأثیری بختنده بونک تأثیرات انعکاسیه سنی یعنی مجموع افراد اوزرنده کی تأثیراتی نظردن دور ایتمه ملیدر فکر اصلاح اوزرنده افراط، زمانه وجدان حقوقی امته و بو واسطه ایله قوه زندگانی

حکومه مشنوم اولدینی درجهده تصادفاً ایقاع جنایت ایدنلر حقنده ناقابل تعمیر بر خشوتی و ناقابل صلاح اولانلر حقنده ظالمانه بروحشتی مؤدی اولور.

استحصال اولنق ایستیلان غایه بالذات کندی حدودی دائره سنده قلملیدر. وساطتی غایه نك فوقه حیقار مق هیچ بر زمان مفید اوله ماز.

۴ جنایتک شرائط اجتماعیه ایچنده عمیق کوکاری بولنمش فکر غایه نك هر درلو افراطندن بزی وقایه ایتلیدر. جمعیتک قصور مشترک نه قناعت، دولتک فعالیت جزائییه سنی تعدیل ایلر. جنایتک منع ایقاعی بر جنایت واقعه بی جزا ندر مرقدن، کرک شخص ایچون و کرک جمعیت ایچون، دها مهم و دها قیمتدار اولدینی اونومه ملیدر.

امور حقوقیه مدیری

یوسف ضیا

اونجی مبحث

مختلف تابعیتده بولنان اجنیلر آره سنده متحدث جرائم

«کچن نسخه دن مابعد»

بیلیمیه دوروزاسک بر بجهه تدائر بر قسم * مطالعاتک خلاصه سی بوجه آتیدر:

ممالک عثمانیهده باشقه باشقه تابعیتیه منسوب ایکی اجنیه بینه کی جزا دعوالرینی رؤیت ایدمک هیئات جرمی ایقاع ایدن طرفک منسوب بولندینی قونسولاتو محکمه سیدر. کذلک فعل و واقعک جرم تشکیل ایدوب ایتدیکی و تقدیر ازله کوره نوعی نه ایدوکی و تطبیق اوله جق جزا نه دن عبارت بولندینی فاعل جرمک متبوعی اولان دولت قانونلریله تعیین ایدر؛ تطبیق اوله جق اصول محاکمه ایسه بینه او حکومک اصول محاکمه سیدر. مثلاً جرمی ایقاع ایدن فرانسز و مجنی علیه انگلیز اولدینی صورتده قرانیه قانونی تطبیق اولنور و تحقیقات و حکم ۲۸ مایس سنه ۱۸۳۶ تاریخی قانون دائره سنده جریان ایدر.

بوعادت، تطبیقه آتده ممکن اولان یکنه اصولدر. و قانونی اساسلره موافق اولان ده بودر (فی الواقع محاکم عثمانیه نك اشیر دعوالری رؤیت حق بر طرف ایدلده وظیفه دار اولان مقام یا فاعل جرمک و یا مجنی علیه ک قونسولاتوسی اوله بیلور؛ یعنی مظنون علیه ک شخصی قانونیه مجنی علیه ک شخصی قانونی بینهده احلاف حصوله کلیر. شوقدرکه بوراده مجنی علیه ک شخصی قانوننک تطبیق قانونی بر اساسه بیتی اوله ماز؛ زیرا مواد جزائییهده اساس حاکمیت علیه اولوب ممالک عثمانیهده حاکمیت علیه ایسه حکومت سینه نکدر. هر نه قدر باب عالی ممالک عثمانیهده ایقاع ایدیلان بعض جرائمه متعلق تعقیب و حکم حقنی اجنیلرله ترک ایتش بولنسنه کوره حق حاکمیت محلیه نك بر قسمنده هر بر اجنیه حکومتی توکیل ایلدهش اولدینی فرض قلمه بیلور سنده هیچ شبهه یوقدرکه هر اجنیه حکومت و برلمش اولان بو حکم اجراسی کندی تبعه لرینه منحصر و بناء علیه او حکومت کندی جزا قانونی ممالک عثمانیهده انحق کندی تبعه سی حقنده تطبیقه مقتدر و باشقه تابعیتده اولانلره تطبیق صلاحیتی متفیدر. بوندن اکلاشیلرکه ممالک عثمانیهده ایکی اجنیه بینهده تکیون جرایمدن دولای فاعل جرم حقنده تطبیق اوله جق قانون انحق جرمی ایقاع ایده نك شخصی قانونی اوله بیلور.

ایمدی پالیسی به دوروزاسک مطالعه سی دائره سنده مختلف تابعیتی حائز اجنبیلر آره سنده متکون جرایمه فاعل جرمک منسوب اولدینی قونسولاتونک وظیفه دار عدايدلمسی نظریات علمیه به موافق ایهده اوتهدنبرو ادعا واثبات ابتدیکمز وجهله قونسولاتولر بویله برحق قضایی حائز دکدر. فعلیات ایهه معین برتعالی شامل اولمایوب کرچه بویله کی جرایم مظنونلرینک امر محاکمه سنک امثال تشکیل ایتماک قیدیه ایهه صیره قونسولاتولره تودیع ایدلینکی واقع ایهده احیاناً ده بوقسم افعال جرمیه نک محاکمه عثمانیه جه یا ترجمان حضوریه و یا حضوردن استنکافی اوزرینه ترجمان بولتمسزین رؤیت ایدلمشدر.

اون برنجی مبحث

اجانبک تبعه عثمانیه ویا حکومت سنیه علیهه و عثمانیلرک اجانبه

قارشو ایقاع ایلدکلری جرائم

نص عهد — بلجیقا و آمریکا و پورتیکیز قایتولاسیونلری — مساکنه دخول — در دست و توقیف — حبس — ترجمانک حضوری و طغوز ساعت مسافه — تطبیق اولنه حق قانون

نص عهد . — عثمانیلر و اجانب بیننده متکون جرائمدن دولای محاکمه عثمانیه نک وظیفه سی انکلتزه و اوستریا و فرانسه و روسیه و ناپولی و اسپانیا و طوسقانا قایتولاسیونلرنده موجود مواد عهدیه نک صراحتیه تعین ایلشدر. فی الواقع ۱۰۸۶ (م ۱۶۷۵) تاریخلی انکلتزه قایتولاسیونک ۴۲ نجی ماده سنده «وانکلتزه لودن وانکلتزه بایراغی التنده یوریبانلردن بری قان و سائر قباحت ایدوب و سائر امر شرعی واقع اولدقه ممالک محروسه ده اولان حکام ، ایلچیلری و قونسولسلری معاً حاضر اولماجه دعوالری استماع ایتیب ایلچیلری و قونسولسلری معرفتیه معاً کوروب یالکنز کورمکله خلاف شرع شریف و مغایر عهدنامه همایون رنجیده اولمیلر » و ۱۱۳۰ (م ۱۷۱۸) اوستریا قایتولاسیونک ۱۵ نجی ماده سنک بر فقره سنده « و والی مملکت و متسلم و ویووده دعواجکنز واردرسزی حبس ایتدیریز دیویوجه تعدی ایتیلر مجلس شرعه احضارلری اقتضا ایتدکده قونسولس یاخود ترجمانلری معرفتیه احضار اولنلر و حبسلری اقتضا ایلدکده قونسولس یاخود ترجمانلر حبس ایلله » و ۱۱۵۳ (م ۱۷۴۰) فرانسه قایتولاسیونک ۱۵ نجی ماده سنده « و فرانچهلودن و بایراقلری آلتنده اولنلردن بری قاتل اولوب یاخود بر غیر جرم ایدوب و شریعت شریفه طرفندن رؤیت اولنق مراد اولدقه دولت علیه مک قضاة و ضابطانی بوکونه اولان دعوائی بولندقلری محله ایلچیلرینک و یاخود قونسولسلرینک ویا وکیللرینک مواجهه لرنده استماع و شرع شریفه ویدلرینه ویریلان عهدنامه همایونه مغایر اولماق ایچون طرفیندن دقت ایلله تفتیش و تفحص اولنه » و ۱۱۹۷ (م ۱۷۸۳) روس قایتولاسیونک ۷۴ نجی ماده سنده « روسیه رعایاسندنبری و یاخود روس حایه سنده اولنلردن بر کسنه

قتل و یاخود آخر بر تهمت ایدوب مملکتک ضابطنه اخبار اولدقه دولت عثمانیه نک قاضیلری و سائر ضابطانی بوکونه ماده لری انجق قونسولوسک یاخود ایچی و یاخود قونسولوس هر نرده ایهلر دخی طرفلردن بو خصوصه مأمور اولنان آدملرینک مواجهه سنده کورلر و بوکونه وقوعانک وقوعنده کاملاً و تماماً عدالتیه رعایت اولنق ایچون متعهدینک یکدیگرندن مطلوبدرکه ماده نک تفحص و فصلنه مساواتله احتیاط و دقت اولنسنه انتباهله نظارت ایللر » دینلمش و ۱۱۵۳ (م ۱۷۴۰) ناپولی و ۱۱۹۶ (م ۱۷۸۲) اسپانیا و ۱۲۴۹۹ (م ۱۸۳۳) طوسقانا قایتولاسیونلرنده عین مآلی شامل مواد عهدیه مندرج بولتمشدر . اما پروسیا و دانیمارقه و هولانده قایتولاسیونلرنده مواد مختلفه جزائییه دایر احکام خصوصیه اصلاً موجود دکدر . سالف الذکر مواد عهدیه دن مستبان اولدیغه کوره عثمانی علیهه اجانب طرفندن ایقاع اولنان جرائمک مرجع رؤیتی محاکمه عثمانیه اولوب ۱۸۵۴ تاریخلی فرماندهده بو خصوص صراحة افاده وقایتولاسیونلرک اولبابده کی احکامیه اوتهدنبرو تأسس ایدن تعامل بووجهله ده تقویه ایدلمشدر. ذاتاً اوروپا حکومت معظمه سیله بومسئله حقنده هیچ بر اختلاف موجود دکدر . قایتولاسیونلرک شو احکامی بلا نزاع الیوم تطبیق و بومثللو دعوالر محاکمه عثمانیه جه ترجمان حضوریه هر زمان فصل و رؤیت ایدلمکده در .

ممالک عثمانیه ده بولنان قونسولاتولر دخی ، کرک صراحت عهدیه و کرک تعامل اقتضاسیجه ، عثمانیلر ایلله اجنبیلر بیننده متکون جرائمدن دولای هیچ بروقت کندیلرینی وظیفه دار عد ایتماش لردر ؛ حتی ۱۹۰۴ (م ۱۳۲۲) تاریخنده در سعادت فرانسه قونسولاتوسی بر عثمانی طرفندن بفرانسز علیهه اقامه اولنان ضرب دعواسی حقنده عدم وظیفه قراری اعطا ایلشدر . کرچه ا کس استیناف محکمه سی ۱۹۰۵ تاریخنده اشبو قراری فسخ و قونسولاتو محکمه سنک وظیفه دار اولدیغه دایر اتخاذ قرار ایلش و اشبو قرار اخیره ۱۹۰۷ تاریخنده فرانسه محکمه تمیزینک تصدیقه اقرار ایتش ایهده موسیو ماندلستام اثر مشهورنده اولبابده صدور ایدن ایکی اعلامی درج ایتدکن صکره اتخاذ قلند ان قراری تنقید صدندده دیورکه : بوعالی محکمه عدالتیه حرمتمز پک بیوک اولمله برابر ویرمش اولدینی شو قرار اوکنده سرفرو ایدمیز ؛ چونکه ا کس محکمه سیله فرانسه تمیز محکمه سنک قرارلری اون طقوزنجی عصر مبادیسنده مرعی اولان تعامله مبتنی اولوب حالبوکه بالآخره اولبابده کی تعامل تعدیل ایدلینکی جهته الیوم مقررات مذکورنک مبنا علیه اولان تعامل غیر موجود و تطبیقات و فعلیات ده اسکی قایتولاسیونلرک احکامنه تماماً موافقدر .

امریقا و بلجیقا قایتولاسیونلری . — دول اجنبیه ویریلان قایتولاسیونلر احکامک هان قسم اعظمی عثمانیلر ایلله اجانب بیننده متکون دعوائی جزائییه نک ترجمان حضوریه محاکمه عثمانیه جه رؤیت ایدله جکنه متدائر بولندینی حالده ۱۲۳۹ (م ۱۸۲۳) ساردنیا و ۱۲۴۵ (م ۱۸۳۰) آمریکا و ۱۲۵۴ (م ۱۸۳۸) بلجیقا و ۱۲۵۵ (م ۱۸۳۹) هانسه شهرلری و ۱۲۵۹ (م ۱۸۴۳) پورتیکیز قایتولاسیونلردن بوکا مغایر بر معنی استنباطی قابل و حکومت عثمانیه ایلله بلجیقا و آمریکا حکومتلری آره سنده بعض حادثات

دولایسیله آره صیره اختلاف واقعدر . کرچه ۱۲۳۹ ساردنیا قایتولاسیونک طقوزنجی ماده سنده « ممالک محروسه به کلوب کیدن ساردنیالیلر کندی طالارنده تجارتلریله مشغول اولوب برکونه تهمت وقباحتلری متحقق اولمده حکام وضابطان وسائر طرفلرندن بلاموجب دخل وتعرض اولنمیوب وتهمتلری وقوعنده سائر مستأمنان حقلرنده معامله اولندیغی وجهله ایلیجیلری وقونسولسلرینک انضمام معرفتیه اقتضای تأدیبلری اجرا اولنه » ودولت علیه ایله لوبک وبره مان وهامبورغ جمهوریتلری بینده ۱۲۵۵ تاریخنده منعقد معاهده نك سکننجی ماده سنک بر فقره سنده دخی « وجاهیر مرقومه تبعه سی عرض وادباری برنده اوله رق مصالح تجارت وامور مخصوصه لریله مشغول اولدقلری حالد ضابطان بلده طرفلرندن بروقتده رنجیده وتوقیف اولنه میوب لکن برجرم وقباحت وقوعنده مصالحت کندی ایلیچی ومصالحت کذار وقونسولوس ویاخود وکیللرینه یعنی قباحتک وقوعبولدیغی یزه الیقین محلد بولان جاهیر ثلاثه مأمورینه حواله اوله رق مجرم اولان شخصی انک معرفتیه حکم اولنوب افرنج حقدنه موضوع اولان اصوله تطبیقاً تأدیبل اولنه » دنلمش ایسده نه اعلان حربه قدر ساردنیا قایتولاسیونندن استفاده ایدن ایتالیا ونده شمیدییه دکن جاهیر ثلاثینی تمیل ایلیان المانیا دیگر قایتولاسیونلر احکام صریحه سنه وتعامله مخالف بولان شومواد عهدیده دن استفاده ایلمک طریقتی تعقیب ایتمه شلردر .

آمریکا : حکومت عثمانیه ایله حکومتات متحده امریکا آره سنده ۱۴ ذی القعدة سنه ۱۲۴۵ (۷ م مایس سنه ۱۸۳۰) تاریخیه منعقد عهدنامه نك دردنجی ماده سنک فقره اخیره سنده « وآمریکا تبعه سی کندی حالنده تجارتلریله مشغول اولوب برکونه تهمت وقباحتلری اولمده بلاموجب دخل وتعرض اولنمیوب تهمتلری وقوعنده دخی حکام وضابطان طرفلرندن حبس اولنیه رق سائر مستأمنان حقلرنده معامله اولندیغی وجهله ایلیچی وقونسولسلری معرفتیه اقتضای تأدیبلری اجرا اولنه » دنلمش وتاریخ مزبورده رئیس افندی ، که اداره قدیمه من اصطلاحنده خارجیه ناظری دیمکدر ، جانبندن اشبو معاهده نامه نك ترکیه سی وامریقا مصالحت کذاری رند طرفندن ده فرانسیزجه سی امضا ایدلش وبالاخره درسعادت امریقا مصالحت کذاری موسیوپورت ترکیه وفرانسیزجه متلر بینده اختلاف وقوعنده ترکیه متنه اعتبار اولنه جغه دائر بر بیاننامه اعطا ایلشدر . مع ذلك بو حال دولتن بینده اختلاف وقوعنه مانع اوله میوب چونکه آمریکا حکومتی برعثمانلییه قارشو ایقاع جرم ایدن امریقالی علیهنده حق تعقیب وحکم واجرا امریقا قونسولسلرینه عائد بولندیغی ادعا ایتسنه رغما باب عالی مارالذکر فقره عهدیه نك امریقا قونسولسلرینه بخش ایتدیکی حق وصلاحتی برآمریقایلینک تبعه عثمانیه ویا حکومت سنیه علیهنه ایقاع ایلدیکی جرمدن دولای محاکم عثمانیه طرفندن حکم اولنان جزانک اجرایی خصوصنه حصر ایتمکده در .

تجارت بحریه محکمه سی اعضاسندن

خلیل جمال الدین دهراند آصاردر

اعلان

حرسو آوستولییدی ایله اندون حاجی یانوبلی افندبرک نیقوله حاجی پناغوبلو ذمده درسعادت تجارت بحریه محکمه سی اعلامیه محکوم به مطلوبی اولان یکریمی بش بیک عدد لیرای عثمانیک مع قاض و مصارف محاکمه تأمین استیفاسیچون بوغازایچنده انجورقریه سنده سلطانیه موقعنده واقع بزم غالم والده سلطان وقفندن اون اتی نومرولی والی ایکی بیک غروش قیمتلی جوجه باغچه سی دیکله مسروف برقطمه باغچه کدکنک یوز یکریمی سهم اعتباریه مدیونک متوفی پدرینک متصرف اولدیغی قرق بش حصه دن مدیونه انتقال ایتسی لازم کلان ومحبوز اولوب فروختی مقرر بولسان بش حصه سی تاریخ اعلاندن یعنی اشبو تموز رومینک اون طقوزنجی پنجشنبه کونندن اعتباراً اون بش کون صکره وضع موقع مزایده ایدیه بیکندن اشتراسنه طالب اولانلرک ودها زیاده معلومات آلمق ایستیانلرک محکمه تجارت اجرا دائره سنه مراجعت ایتلری دائره مذکورده دن اعلان اولنور .

* *

بورکی چیاقو افندی نك لنگه کبیرده صره اوطه لرده نومروسز خانه ده ساکن واسیل قلاادوپلوس افندی فمقده ایکنجی محکمه تجارتدن ویریلان صورتی ۱۱ تشرین اول سنه ۳۲۷ تاریخنده مرقوم واسیله تبلیغ قلان ۲۸ ایلول سنه ۳۲۷ تاریخلی و ۷۲۸ نومرولو اعلام غیابی موجببنجه الاجنی اولان سکسان سکز لیرای عثمانی قاض و مصارف محاکمه سیله برابر تاریخ اعلاندن طقسان برکون ظرفنده مرقوم واسیل قلاادوپلوس افندی موقع اجرایه مراجعتله تسویه دین ایتسی وقانونک قبوله شایان بر دیه چکی اولدیغی تقدیرده مدت مرقومه ظرفنده تحریراً بیان ایتسی وایتمدیکی حالد حکم اعلامک اجرایی ومعامله قانونیه نك ایفاسی طیبی اوله جنی حقدنه تنظیم اولان اشبو اخبارنامه مرقومک الیوم اقامتکاهی مجهول اولق ملابسسه سیله اصول محاکمه حقوبیه نك یکریمی الننجی واجرا قانونک یکریمی طقوزنجی ماده لرینک دردنجی فقره سنه توفیقاً مرقوم واسیل قلاادوپلوس افندییه تبلیغ اولمش عد اولنق اوزره محکمه تجارت اجرا دائره سی دیوانخانه سنه تطبیق ایدلدیکی کبی غزته لرله دخی اعلاننه مبادرت قلندی .

* *

ما یه قادی نك مقدما درسعادتده غربا حسین انا محله سنده اقسرای جاده سنده ایکوز التمش طقوز نومرولو بکر پاشا بوستاننده مقیم ایکن الیوم اقامتکاهی مجهول بولان نیقولی ولد واسیل علیهنه ایکنجی تجارتده افاده

ایلدیکی فک حیز دعوائی اوزرینه غیاباً جریان ایدن محاکمه نتیجه سنده غائب مرقوم نیقولی ولد واسیل مدیونه مذبوره ماریه قادینک پدر ومورثی متوفی نیقولی ولد فوطینک عهده تصرفنده ایکن اوچ نفر اولادلرینه انتقالی لازم کلن در سعادته غریبا حسین اغا محله سنده اقسرای جاده سنده کائن ایکیوز اوتوز اوچ وایکیوز اوتوز بش نومرولریله مرقم ساعتی وناو دکانلرینک نصف حصه لریله جاده مذکورده واقع ایکیوز التمش طقوز نومرولو ویکر پاشا بوستانی دیمکله عریف بر عدد بوستان کدکینک درت حصه اعتباریله بر یحق حصه سی فی ۹ ایلول سنه ۹۴ تاریخده تحت حیزه الیریش ایسه ده مدت قانونیه سی طرفنده تصدیق حیز استدعای ویرلدیکی اکلاشلش اولغله حیز موضوعک کالم یکن حکمنده عدیله فکینه و مصارف محاکمه اولان ۵۳۸ غروشک حیز مرقومه عایدته فی ۱۴ حزیران سنه ۳۳۸ تاریخده قرار ویریش اولدینی کوریش واعلام مذکور صورتی فی ۳۰ حزیران سنه ۳۳۸ تاریخلو نشر اولان او اق حوالده تبلیغ اولدینی جهته بر موجب حکم اعلام حیز موضوعک فکی بوکره مذبوره ماریه قادین طرفندن طلب واستدعا قلمش اولغله اشبو شهر تموز رومینک سکرنجی بازار کونندن اعتباراً طقسان برکون طرفنده نیقولی ولد واسیل بالذات ویا طرفندن ووکیل دائرة اجرا ده اثبات وجود ایدرک حیز مذکور فک و مصارف محاکمه تسویه ایتیمی ویا خود بوباده قانوناً قبوله شایان بر ادعای اولدینی حلاله تحریراً در میان ایلیمی و عکسی تقدیرده مدعی ماریه نک طلب و مراجعتی اوزرینه حیز مذکور فک اولنه جفی کی مصارف محاکمه دخی تحصیلی حقنده قانوناً لازم کان معامله تشبث اولنه جفی معلوم اولق اوزره تنظیم اولان اشبو اخبارنامه اصول محاکمه حقوقیه نک یکریمی التبعی واجرا قانونک طقوزنجی مواد مخصوصه سنه توفیقاً مرقوم واسیل اظایه تبلیغ ایدیش عد اولنق اوزره محکمه تجارت اجرا دائره سی دیوانخانه سنه تعلیق اولدینی کی غریه لرله دخی اعلانه مبادرت قلندی .

اذینه قضایی اموال ایتام صندوقه اضافته مدیری محمد افندینک کستانبولی قریه سنده عمر اوغلی احمد ذمتده الاجنی اولان مبالغ معلومه نک تأمین استیفای ضمننده مدیون مرقومک تحت حیزه الان قریه مرقومه ده امینه چشمه موقعنده شرناً درویش احمد غرباً حنیفه خانم ترلاری شمالاً حالی جنوباً حاجی طاشچی اولادلریله محدود بش دونم برقطه ترلا بالمزاید بشیوز بش ، وقصر باشی موقعنده شرقاً قاضی اوغلی حسن غرباً یول شمالاً بشی اولادلری جنوباً احمد علی ایله محدود یارم دونم برقطه ترلا یوز بش غروشده طالبی عهده سنده تقرر ایدوب موقت قرارداده سی کشیده ایدلرینک اوتوز برکون طرفنده لااقل یوزده بش ضم ایله طالب اولانلرک ودها زیاده معلومات المق ایستیانلرک اذینه قضایی اجرا دائره سنه مراجعت ایللری اعلان اولنور .

قلعه سلطانیه بلدیہ خان مستأجری خانجی بناقوبه مدیون بولان ایواجق قصبه سندن متوفی محمد اغا ایتامی

وحبس محی الدین افندینک دائرة اجرا معرفتیه تحت حیزه آلدریلان اموال غیر منقوله سندن نصرتلی قریه سنک اکدلی برون موقعنده طرفلری محمد ودریا وحاجی ابراهیم ایله محدود مع اشجار یکریمی ایکی دونم زیتونلکی زراعت باقعه سنه مرهون بولندینی جهته فضلہ سنک تاریخ اعلانن اعتباراً اون بش کون صکره بالمزاید فروخت اولنه جفندن طالب اولنلرک ایواجق اجرا دائره سنه مراجعت ایللری اعلان اولنور .

برادر . ن . قالدی عتوانیله متشکل وایوالقده مقیم تجارتدن بورغا کی واطناش و علیکساندروس ولدان نیقوله قالدی وکذا نیقوله که ولد بورغا کی قالدی دن مرکب دوام ایدک کلمده اولان قولکتیف شرکتک کافی السابق معامله تجاریه دوام وشرکادن نیقولاک، ولد بورغا کی قالدی واطناش قالدینک بیوک مخدومی لفترا کی ولد اطناش قالدی طرفلرینن معاً ومنفرداً امور شرکتی اداره ایتک وشرکت امضاسنی شرکادن علیکساندروس ولد نیقوله قالدی ونیقولاک کی ولد بورغا کی قالدی [برادرلر . ق . قالدی] امضاسنی وشرکادن اطناش قالدی مخدومی لفترا کی دخی [برادرلر . ن . قالدی] نامنه بالوکاله لفترا کی . آ . قالدی [امضاسنی وضع امضایه مأذون وصلاحیتدار بولنق اوزره عینی عنوان تحتنده ۱۵ نیسان ۱۳۲۷ تاریخندن اعتباراً ۳۰ حزیران ۱۳۳۳ ۱۹۱۵ تاریخده قدر درت سنه ایکی یحق ماه تجدد شرکت ایتیش اولدقلری اعلان اولنور .

ایواجق قضاسنک اطه تپه قریه سندن یوایزو یورکی به با اعلام محکوم به دینی بولنن مذکور اطه تپه قریه سندن خلیل اذک دائرة اجرا معرفتیه تحت حیزه الیریلان اموال غیر منقوله سندن قریه مذکور حدودنده کائن قوجه بایر موقعنده طرفلری شرناً سلیمان شمالاً وارواطو و سلیمان و غرباً حسین جنوباً ارق ایله محدود اون ایکی دونم مع اشجار زیتونلکی زراعت باقعه سنه مرهون بولندینی جهته فضلہ سنک تاریخ اعلانن اعتباراً اون بش کون صکره بالمزاید فروخت اولنه جفندن طالب اولنلرک ایواجق اجرا دائره سنه مراجعت ایللری اعلان اولنور .

قاضی کوینده ساکنه مرحوم شکری افندی کریمه سی مزین خانمک در سعادته بائزیده مالیه نظارتی تحتنده صرافاندن خرسنا کی وقومپانیه سی علمینه اقامه ایلدیکی فک حیز دعواسنک محل مذکورده او نامده کیسه اولمادینی اکلاشلش مبنی اعلان صورتیله اجرا قلنان محاکمه علنیه نتیجه سنده قنبدلیده قننامه جی میداننده کائن اولوب اونبر نومرولو برقطه عرصه نک اون حصه اعتباریله متوفی احمد شکری افندینک بر حصه سی اوزرینه قسطا کی وقومپانیه سی طرفندن در سعادت ملغا دعاوی نامندن ۱۴ کانون ثانی سنه ۱۲۹۲ تاریخیه وضع ایتدیریلان حیز مذکورک فکینه دائر صادر اولان ۱۶ مایس سنه ۳۳۸ تاریخ و ۲۵ عددلی اعلام غیابی صورتی اصول محاکمه حقوقیه قانوننک ۱۴۹ نجی ماده سی موجبنه محکمه دیوانخانه سنه تعلیق ایدیش اولدیفندن تبلیغ مقامنه قائم اولق اوزره اعلان کیفیت اولنور .

قانون اساسی

مذرات

قسم رسمی

تاریخ تصویب

۳۰ ترموز سنه ۱۳۲۸ ۳۱۵۵

۳۱۵۶

(۱) - محاکم و دوائر عدلیه دولتی مصالح
کمال سرعت و اعتنا ایله رؤیتی مأمور لک
وظیفه لری باشنده منتظماً چالیشه ورق
تأمین فعالیتلرینه متوقف اولدیغنه دائر

(۲) - مأمورینک مأذونیتی حقنده ۴ آغستوس ۳۱۵۸

(۳) - مباشر لک تبلیغات عدلیه یی یولیه اجرا
ایتمک لری تبیین ایلدیکی حالده دوچار
مجازات اوله جق لری نه دائر ۱۱

۳۱۵۹ ۶ شباط - مناسبت استیفاف محکمه سی حقوق دأره سی اعلامی

۳۱۸۳ ۵ حزیران - تحکیم تمیز حقوق دأره سی اعلامی - تصرف دعوا سی حقنده



تاریخ تصویب

۳۰ ترموز سنه ۱۳۲۸

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

تاریخ تصویب

